

MAHALI ALIPOPACHAGUA

MUNGU PA KUABUDIA

 Hebu na tuendelee kusimama kidogo tukiwa tumeinamisha vichwa vyetu kwa maombi. Na sasa, vichwa vyetu vikiwa vimeinamishwa, huku nikitumainia moyo yetu imeinamishwa, pia, sijui ni wangapi hapa ndani usiku wa leo wangetaka kukumbukwa katika maombi, ya jambo maalumu? Tafadhali inua mkono wako, useme, “Mungu, nipe usiku wa leo kile ninachotafuta.” Bwana awabariki.

² Baba yetu wa Mbinguni, tunapokaribia kwa unyenyekevu Kiti hiki kikuu cha neema sasa, kwa imani, tunaingia Ng'ambo ya Pili; ambako Mungu, na Malaika, na Makerubi, na jeshi lote la Mbinguni wamekusanyika pamoja. Kwa maana Yeye alisema hata shomoro mmoja hawezি kuanguka ardhini bila ya Baba wa Mbinguni kujua. Je! si zaidi sana kwamba Yeye anajua hapa wakati mamia ya watu wameinamisha vichwa vyao, na kukuita Wewe kwa maombi maalumu. Baba, angalia chini kwenye ulimwengu wenye mahitaji usiku wa leo, kwa maana sisi ni wahitaji.

³ Nami naomba, Mungu, kwamba kwa sababu tumekusanyika hapa na kukuelezea Wewe imani yetu katika Mungu aliye hai Ambaye hujibu maombi; tumetoka mionganii mwa ulimwengu wa wasiotahiriwa, moyo na masikio, tukaja kuishi maisha ya kujitenga, na kuishi tukiungama imani yetu Kwako. Na usiku wa leo tumeinua mikono yetu, tukisema, “Sisi tu wahitaji.” Mungu Mpendwa, jibu kila moja ya maombi yao.

⁴ Halafu, Baba, tunaomba kwamba Wewe utatuzuru sisi usiku wa leo katika Neno. Tunakuja hapa kwa ajili ya masahihisho, tupate kufahamu, ili tupate kujua tu jinsi ya kuishi katika nyakati hizi; mambo ya kutazamia, mambo ya kutenda. Kwa maana, tunajua Kuja kwa Bwana kunakaribia, kulingana na ishara zote ambazo manabii wametabiri. Tunakaribia ule wakati, Bwana, ambapo ukombozi mkamilifu utatolewa kwa watoto Wako. Mungu, tujalie, kila mmoja, kuwepo kule, Baba. Jalia asikosekane hata mmoja. Hilo ndilo kusudi letu la kuwepo hapa, Bwana. Tunakupenda Wewe, nasi tunajaribu kuijandaa kwa saa ile.

⁵ Nena nasi, tunaomba tena, usiku wa leo. Na uwaponye wagonjwa. Wagonjwa wote na wanaoteseka walioko ndani ya jengo hili, twaomba kwamba Wewe utawaponya, Bwana; na hasa wao walio na mahitaji ya kiroho. Tunaomba kwamba Wewe utaokoa kila nafsi iliyopotea. Jaza kila mwamini kwa Roho

Mtakatifu. Na fanya upya nguvu na Uwezo ndani ya watoto Wako wanaoamini. Jalia mambo haya, Baba. Tunaomba mengi, kwa sababu Wewe ulituambia tuombe, “ombeni mengi, ombeni mambo makuu, mambo mengi,” ili furaha yetu ipate kutimizwa. Na tunayaomba katika Jina la Yesu Kristo. Amina.

Mnaweza kuketi.

⁶ Kwa hakika nayahesabu haya kuwa majaliwa makuu usiku wa leo, kurudi hapa kwenye jukwaa tena, hapa katika shule hii ya sekondari, kusimama mbele ya hawa watu wazuri ambao wamekusanyika kusikia Injili. Naomba rehema ya Mungu inisaidie mimi kuwaambia Kweli kadiri ninavyoijua Kweli. Yeye bado anaweza kufumba kinywa cha mwanadamu, jinsi Yeye alivyoweza kufumba kinywa cha simba. Na kama ningesaribu kusema cho chote ambacho ni makosa na ni kinyume cha mapenzi Yake, sala yangu ya moyoni ni kwamba Yeye afumbe kinywa changu, ili kwamba nisikiseme. Kwani, kwa kweli, nataka kuweko Mbinguni, mimi mwenyewe; na nisingekuwepo kule kamwe, na, licha ya yote hayo, ningekuwa kiongozi wa uongo, mtu ambaye alikuwa ametenda jambo fulani kwa uongo. Kama nikifanya hivyo, ni kwa sababu sijui lingine. Bwana awabariki.

⁷ Sasa, kesho asubuhi, kama itakuwa ni mapenzi ya Mungu, nakusudia kuzungumza juu ya somo lile, *Ndoa na Talaka*. Nasi tunaamini kwamba mtakuja, na kuleta penseli zenu na makaratasi. Hatutachukua muda mrefu sana, lakini ningetaka tu... Hilo ndilo lilikuwa kusudi langu la kurudi hapa, kwanza, hapa Indiana, kama nilivyowaahidi hilo. Basi nitajaribu, kesho asubuhi. Kama silihubiri kesho asubuhi, nitalihubiri kesho usiku. Lakini nitajaribu kesho asubuhi, Bwana akipenda, kuzungumzia juu ya somo hilo, zile itikadi mbili. Mungu na atusaidie kujua yaliyo Kweli, kujua tu yaliyo Kweli, ili tuweze kutembea katika Kweli na katika Nuru. Sisi...

⁸ Mnajua, nilikuwa na rafiki mzee mweusi. Aliniambia, akasema, “Ndugu Billy,” kasema, “mimi—mimi sitaki matatizo yo yote pale mtoni.” Akasema, “Nataka kushika tikiti yangu mkononi mwangu. Na hapo filimbi itakapolia, sitaki matatizo yo yote pale. Nimewomba Bwana, muda mrefu uliopita, iwapo kuna jambo lo lote lisilo sawa, anijalie militatue sasa hivi,” kasema, “kwa sababu itakuwa giza na dhoruba asubuhi ile wakati meli itakapong’oa nanga kwenda ng’ambo ya pili.” Kasema, “Sitaki pingamizi lo lote. Nataka kushughulikia kila kitu sasa.” Hili ndilo lililotuleta hapa, kujaribu kushughulikia pingamizi zote, ili tuweze kuingia merikebuni kwenye saa ile.

⁹ Sasa, sitazungumza nanyi kwa muda mrefu sana usiku wa leo, kwa sababu tuna ibada mbili kesho. Na halafu nitaondoka moja kwa moja, kwenda mahali pengine, kwa nyiningine, kwa ibada zingine.

¹⁰ Bali, sasa, katika Kitabu cha Kumbukumbu la Torati. Nataka kusoma kutoka sura ya 16, aya tatu za mwanzoni, za Kumbukumbu la Torati 16:1 hadi 3.

*Utunze mwezi wa Abibu, ukamfanyie pasaka...
BWANA, Mungu wako,... ilikuwa ni mwezi (wa nne)
wa Abibu alipokutoa—alipokutoa Misri usiku BWANA;
Mungu wako.*

*Nawe utamchinjia pasaka BWANA, Mungu wako,
katika kundi la kondoo na la ng'ombe, mahali
amechagua BWANA apakalishe jina lake.*

¹¹ Sasa, somo langu usiku wa leo ni: *Mahali Alipopachagua Mungu Pa Kuabudia.*

Kama ukiangalia, mwezi A-b-a-db hapo ni, humaanisha, “Aprili.” Mwezi Aprili ndio wakati walipotolewa.

Na sasa jambo la ajabu ni kwamba sisi usiku wa leo, kama wamwabuduo Mungu, katika siku hii tunayoishi, na tunaona mawazo mengi sana mbalimbali ya watu. Na kadiri kuna mawazo tofauti kuhusu mambo, hapana budi kuwe na maswali tofauti; hapana budi kuwe na jibu moja la kweli kwa kila swali linaloulizwa.

Kama ningeuliza swali, “*Hili ni nini?*”

“Vema,” wangesema, “dawati.”

“Ni la nini?” Mnaona?

¹² Sasa, hapo, mtu fulani aweza kusema, “Si dawati. Ni ubao.” Vema, ni ubao, lakini hata hivyo ni dawati. Unaona, yapaswa kuwe na jibu la kweli kwake.

Na kama ningeuliza swali kuhusu cho chote, yapaswa kuwe na jibu la kweli. Kwaweza kuwe na lililo la karibu nalo; lakini yapaswa kuwe na jibu la kweli, la moja kwa moja kwa kila swali. Kwa hiyo, basi, kila swali linalozuka maishani mwetu, yabidi kuwe na jibu la kweli na sahihi.

¹³ Na sasa, leo, tunasikia—tunasikia ikinenwa, na watu wetu wengi sana ulimwenguni leo...

Kwa kuwa mimi ni mmishenari, na nimefanya safari nydingi za ng'ambo na kuzunguka dunia, nimekutana na dini nydingi mbalimbali, kama vile Budha, na Islamu, na Washiiti, na Wajaini, na kadhalika, dini za duniani. Na halafu hapa katika Marekani yetu wenyewe; na nchi zingine za kigeni, nakutana na makanisa yetu yote mbalimbali, kama vile makanisa yetu ya kimadhehebu, kuanzia na kanisa la mwanzoni la Katoliki ya Kirumi, na halafu la Kiyunani, na kadhalika, na ka—kanuni mbalimbali, na halafu kufikia katika zile...nyakati zote za kimadhehebu, za madhehebu mbalimbali mia tisa na kitu ya Kiprotestanti.

Sasa, kila moja yao, bila shaka, ungeweza kuona wazo lao, nami siwezi kuyalaumu. Kila moja hudai kwamba wao ndio ile kweli, wana ile kweli. Na watu ambaao ni washiriki wa makanisa hayo wanapaswa kuiamini hiyo, kwa sababu wamesalimisha kikomo cha—chao, kikomo chao cha Milele, juu ya mafundisho ya kanisa lile. Nayyo yanatofautiana sana, moja kwa lingine, mpaka inazusha maswali mbalimbali mia tisa na kitu.

Kwa hiyo, kwa kuwa kuna maswali mia tisa na kitu mbalimbali, yapaswa kuwe na Jibu moja sahihi. Na ningetaka kwetu sisi usiku wa leo, kwa kuwa tunajaribu kwenda Mbinguni, na kumlaki Bwana wetu Yesu Ambaye sote tunampenda, ningetaka kutafuta katika Maandiko kuliona hilo.

¹⁴ Sasa, kama ni swalii la Biblia, basi lapaswa liwe na jibu la Biblia. Halingepaswa kuweza kuja kutoka kundi la watu, kutoka kwenye ushirika wo wote ule, au kutoka kwa mwalimu fulani, au kutoka kwa madhehebu fulani. Lapaswa litoke moja kwa moja katika Maandiko, kwamba ni wapi mahali pa Mungu pa kukutania, pa kuabudia. Na hakika, akiwa Mungu, kuna mahali pa kukutania mahali fulani, ambapo Yeye hukutana.

¹⁵ Sasa, tunaona hapa kwamba katika Kumbukumbu la Torati hapa, hapo mwanzo, Musa akikariri Maandiko, mambo ambayo alikuwa tayari amewaambia wao; jinsi ambavyo Yeye alikuwa amewatoa kwa mkono mkuu na wenye nguvu, kutoka Misri, na alikuwa kwanza amewaimarisha.

Waliitwa “watu wa Mungu” mpaka walipotoka Misri, ndipo wakaitwa “kanisa la Mungu.” Kwa sababu, kanisa ni kusanyiko, au, kwa kweli, *kanisa humaanisha* “walioitwa watoke,” wale ambao wameitwa watoke. Nao walitoka Misri, wapate kuwa kanisa.

¹⁶ Sasa Mungu aliwaambia, wakati wao...kabla ya kulijenga hekalu na yote waliyotenda, “Nitachagua mahali pangu Mimi pa kuabudiwa, Nami nitaweka Jina Langu ndani yake.” Na hapo ndipo mahali pekee ambapo Mungu atakutana na mtu ye yote, ilikuwa kwa chaguo Lake Mwenyewe. Yeye alichagua mahali Pake. Na mahali ambapo Yeye alichagua, Yeye aliweka Jina Lake. Aya ya 2 hapa inatuambia kwamba, “Angeweka Jina Lake mahali ambapo Yeye amechagua kwa watu kumwabudia Yeye.” Sasa, jambo lenyewe ni kwamba, tunataka kuona mahali hapo ni wapi.

¹⁷ Huku kukiweko na mawazo mia tisa na kitu mbalimbali, kwa kuwa tunaweka kando dini zote za kishenzi, na kuzungumzia tu kuhusu dini ya Kikristo. Hata hivyo, nina mzigo kwa washenzi, la sivyo hakika singekuwa ninakwenda huko kuzungumza nao. Lakini, hawako sahihi. Ukristo ndio dini pekee ambayo ni ya kweli, ni Ukristo. Sisemi hilo hasa kwa sababu mimi ni Mkristo; kwa sababu, ninaamini hiyo kuwa ndiyo Kweli. Ndiyo dini pekee iliyo sahihi.

¹⁸ Nimefika kwenye kaburi ambapo farasi mweupe anabadilishwa kila masaa manne. Ambapo, Muhammadi, kuhani maarufu na—na kiongozi mara baada ya Kristo, alidhaniwa kuwa nabii, na, mimi sina shaka alikuwa hivyo, mara tu baada ya wana wa Makabayo. Lakini wakati wao... Yeye alikuifa. Alidai kwamba atafufuka tena na atauteka ulimwengu mzima. Sasa, kila baada masaa manne wanabadili walinzi, nao wanamweka farasi mweupe penye kaburi lake. Wamefanya hivyo, kwa miaka elfu mbili, wakimtzamia yeye kufufuka tena na kuuteka ulimwengu. Bali mnaona...

¹⁹ Kisha unaenda kwa Budha; Budha aliishi miaka mia kadha, kama miaka elfu mbili mia tatu iliopita, mungu wa—wa Japan. Na kwa hiyo alikuwa mwana falsafa, kitu kama Confusius, na kadhalika.

Lakini wote hawa, kwani... waanzilishi, na kadhalika, wote walikufa na filosofia yao, nao wamezikwa na wamo kaburini.

Lakini Ukristo, ambao ulianzishwa na Yesu Kristo, kuna kaburi tupu. Yeye alikuwa ndiye Mtu pekee ambaye aliwahi kusimama duniani, na kuishi na kusema, “Ninao uweza wa kuutoa uhai Wangu na kuufufua tena.” Naye alifanya hivyo. Naye Yu hai leo.

Nasi tunajua Yu hai, kwa sababu Yeye Yu pamoja nasi na hujidhihirisha Mwenyewe kwa ishara dhahiri na maajabu, ambayo Yeye aliahidi kwamba angetenda kuonyesha jambo hilo. Kiasi kwamba, Nguzo ya Moto ambayo iliongoza wana wa Israeli jangwani, ipo pamoja nasi leo, hata imepigwa picha; ikitenda ishara na maajabu ambayo Yeye aliahidi Hiyo ingetenda katika siku hii, tukiona Maneno yote ambayo Yeye aliahidi yakidhihirishwa siku hii. Kwa hiyo, ulimwengu mwingine wa kishenzi uko nje. Ni Ukristo!

²⁰ Sasa, kwa kuwa kuna maswali mia tisa na kitu kuhusu mahali ambapo Mungu hukutana, “Yeye hukutana na Wamethodisti, au Yeye hukutana katika Batisti, na Yeye hukutana na *hili na lile*, na *lile jingine*.” Sasa, pana swali hapo, kwa hiyo kila mtu yambidi kutafuta wokovu wake kwa hofu na kutetemeka.

Lakini usiku wa leo nataka kujaribu kutafuta, na kuthibitisha katika Maandiko, mahali gani sahihi ambapo Mungu hukutana na kuabudu pamoja na watu. Na, kama hapo ndipo, hapo ndipo mahali pekee Yeye atawahii kukutana.

²¹ Sasa, tulichukua kifungu hiki kutoka katika Kumbukumbu la Torati. Ni neno la Kiyunani, lililo na maana mbili, au, linamaanisha, “sheria mbili.” Neno la Kiyunani, *Kumbukumbu la Torati*, linamaanisha “sheria mbili mbalimbali.”

Na hizo ndizo tu Mungu alizo nazo, sheria mbili mbalimbali. Na mojawapo ni sheria ya mauti, na nyingine ni sheria ya Uzima. Mungu ana sheria mbili. Kumfuata Yeye, na kumtumikia na

kumwabudu Yeye, ni Uzima; kukataa jambo Hilo ni mauti. Kuna sheria mbili ndani ya Mungu.

²² Sasa, mojawapo ya sheria hizo ilitambu- . . . ilitambuliwa na ulimwengu, katika Mlima Sinai. Mungu alimpa Musa na Israeli sheria. Siyo kwamba ile sheria ingeweza kuwasaidia, bali ile sheria iliwaonyesha kwamba walikuwa wenyewe dhambi. Hadi wakati ule, hawakujuwa dhambi ilikuwa ni nini, mpaka walipopata sheria. Hapawesi kuwa na sheria bila ya adhabu. Sheria si sheria, bila ya adhabu. Kwa hiyo, basi, “Kuvunja sheria ni dhambi, na mshahara wa dhambi ni mauti.” Kwa hiyo basi, hadi Mungu alipowafanya sheria, hawakuhesabiwa makosa.

Kama hakuna sheria hapa ambayo inasema huwezi kwenda zaidi ya maili ishirini kwa saa, basi unaweza kwenda zaidi ya maili ishirini kwa saa. Lakini ikiwepo sheria isemayo huwezi kufanya hivyo, basi kuna sheria na adhabu nyuma yake.

²³ Sasa, mauti, sheria ya mauti, ilikuwa ni zile amri zilizotolewa katika Mlima Sinai, ambazo zilimwambia binadamu kwamba alikuwa mwenye dhambi. Na, kuzivunja sheria za Mungu, alikufa. Bali hakuna wokovu katika torati. Ile . . . Ilikuwa ni polisi tu ambaye aliweza kukufunga jela; haikuwa na kitu cha kukufungulia.

Lakini basi Yeye alitoa sheria nyingine, hiyo ilikuwa katika Mlima wa Kalvari, ambako dhambi ilihesabiwa katika Yesu Kristo, na hapo adhabu ikalipiwa. Na sio na . . . Bila ya sheria, “lakini kwa neema umeokolewa,” kwa neema ya Mungu, kwa kuchaguliwa hapo awali kwa ajili ya Mungu kukujua tangu awali.

²⁴ Sasa tunaona sheria hizi mbili, Kumbukumbu la Torati, ikzungumzia juu ya sheria mbili. Kulikuwa na sheria mbili. Moja ilikuwa sheria ya mauti, na ile nyingine sheria ya Uzima.

²⁵ Kulikuwa pia na maagano mawili waliyopewa watu. Tutayazungumzia asubuhi.

Moja lilitolewa kwa Adamu kwa masharti, “ukitenda *hili* na usitende *lile*,” lakini sheria hiyo ilivunjwa. Adamu, Hawa alivunja hiyo, katika bustani ya Edeni.

Halafu Mungu akafanya agano la pili, na akampa Ibrahimu hilo, na sheria hiyo ilikuwa bila masharti. “Si kile ambacho umetenda au kile utakachotenda;” Yeye alisema, “Nimekwisha litenda.” Hiyo ni neema. Hiyo ni sheria ya Uzima. Mungu alitenda jambo hilo kwa ajili ya Ibrahimu na Uzao wake baada yake, hiyo ni kusema, Uzao wote wa Ibrahimu.

Kama Biblia ilivyosema, “Israeli wote wataokoka,” lakini hiyo haimaanishi Wayahudi. Kama Paulo alivyosema, “Aliye Israeli kwa ndani, au Israeli kwa nje.” “Kwa nje,” kama tulivyolizungumzia usiku wa juzi, ilikuwa ni watoto wa Isaka, kwa kujuana kimwili. Lakini sheria ya Mungu ilikuwa kwa

njia ya Kristo, ambaye alikuwa Uzao wa Kifalme wa Ibrahimu, kwamba, "kwa neema Israeli wote wapate kuokoka." Hiyo ni kusema, "Wote walio katika Kristo wameokoka," wote, agano la pili la Mungu. Bali mambo haya yote yalikuwa kivuli cha Kristo.

²⁶ Sasa angalia aya ya 2. Aya ya 2 hapa katika Kumbukumbu la Torati 16. "Abudu katika mahali ambapo nimepachagua." Sasa yakubidi umwabudu Mungu, Yeye alisema, "Katika mahali ambapo Mimi nimechagua, si alipopachagua mtu mwingine, bali nilipopachagua Mimi."

Sasa, kama Mungu amechagua mahali, yatupasa sisi basi kutafuta yale Yeye amesema kupahusu. Basi ni wapi? Nataka kupapatka, kwa sababu, kwa kweli, nataka kumwabudu Yeye.

Sisi sote tupo hapa, usiku wa leo, ili kumwabudu Yeye. Tumeketi hapa usiku wa leo, kama Wamethodisti, Wabatisti, Wakatoliki, Mashahidi wa Yehova, Christian Science, na wote, lakini sote tunatafuta jambo fulani.

Tunataka kujua Kweli. Biblia ilisema, "Mtaifahamu Kweli, na ile Kweli itawaweka huru."

Mtu fulani, huwezi kujua unalotenda, hujui jinsi ya kulitenda mpaka ujue namna ya kulitenda; hujui la kufanya mpaka ujue jinsi ya kulifanya, hasa. Yakubidi ujue unalofanya na jinsi ya kulifanya.

²⁷ Hili linatuonyesha kwamba Mungu anapo mahali pa kukutania waabudu Wake, katika mahali fulani pamoja. Mahali hapo, pekee, ndipo Mungu anapokutana na wamwabudu Yeye.

²⁸ Sasa, pia, mahali Yeye alipowachagulia waabudu Wake, Yeye alidai ataliweka Jina Lake. Sasa hebu na tuchunguze na kutafufa, katika Maandiko, mahali hapa ni wapi. Hakika, kama Mungu amesema angeweka Jina Lake mahali hapa ambapo Yeye amechagua kukutana na watu na kuabudu pamoja nao...au wao kumwabudu Yeye, hasa, kwamba pako mahali fulani katika Biblia, kwani palikuwa ni kwa ajili ya nyakati zote.

²⁹ Na Mungu mkuu asiyebadilika hawezi kubadilika. Binadamu hubadilika. Bali unaweza kudhamini maisha yako juu ya cho chote ambacho Mungu amewahi kusema wakati wo wote, kwa sababu ni Kweli. Ni Kweli. Kwa sababu, hilo ndilo jambo pekee niwezalo kulasadiki, ni Biblia. Kwa sababu, neno la binadamu litashindwa, lakini Mungu ni mkuu.

Mwaka huu yanipasa kujua zaidi kuliko nilivyojua mwaka uliopita. Nawe vivyo hivyo, pia, kila siku. Sisi tuna kikomo, kwa hiyo tunaongezea maarifa.

Bali Mungu hana kikomo. Yeye hana kikomo. Naye, kwa kuwa hana kikomo, Yeye hawezi kuongezea maarifa. Kwanza, Yeye ni mkamilifu. Kila uamuza yabidi uwe sawa kabisa.

³⁰ Na jinsi ile Mungu alivyojenda jambo wakati mmoja, Yeye yambidi siku zote atende jinsi iyo hiyo, au Yeye alikosea wakati

alipolitenda mara ya kwanza. Kama mtu aliwahi kumjia Mungu apate wokovu, juu ya msingi ambaao Yeye alimkubalia, yabidi ukubaliwe juu ya msingi ule ule kila wakati. Hiyo ni kweli. Kama mtu akija kwa Mungu apate kuponywa Kiungu, na Mungu akamkubali kwa msingi fulani; mtu mwingine akija, Yeye yambidi kumkubali huyo namna ile ile, au Yeye alikosea wakati alipomkubali mtu wa kwanza. Mungu alitengeneza msingi ambapo Yeye angekutana na mwanadamu. Yeye alitengeneza msingi wa kile atakachotenda, jinsi Yeye angekitenda, na hiyo ni kwa damu ya kafara ya mwana-kondoo katika bustani ya Edeni. Mungu kamwe, hapana wakati, alipowahi kulibadilisha.

³¹ Yeye aliamua jinsi ya kumwokoa binadamu. Tumejaribu leo kumwelimisha binadamu katika jambo hilo; tumejaribu kuwapeleka shuleni, tukajaribu kuwaelimisha, tukajaribu kuunda madhehebu, tukajaribu kufanya mambo yote haya ya namna nyingine; kuwaingiza, kuwaingiza kwa kuwatikisa, kuwaingiza kwa kuwabatiza, kila njia nyingine iliyopo, kuwaingiza kwa barua. Bali bado anabaki, jinsi ile ile, Mungu hukutana na mwanadamu chini ya Damu iliyomwagika ya Mwana-Kondoo. Damu ndiyo iliyokuwa njia ya Mungu hapo mwanzo, na Damu ndiyo njia ya Mungu usiku wa leo. Ni vyema kufanya vitubio na mambo haya mengine yote, lakini wokovu huja tu kwa ile Damu. Damu ndiyo njia pekee aliyochagua Mungu kumwokoa binadamu, Naye hawezi kuibadilisha.

³² Ayubu alikuwa na jambo lile lile. Alijua kwamba alikuwa mwenye haki, kwa sababu alikuwa ametoa sa—sadaka aliyodaiwa na Mungu.

³³ Sasa, hebu na tutafute sasa tuone mahali hapa ni nini, na mahali Yeye alipoweka Jina Lake. Itatupasa kutafuta ambapo Yeye aliweka Jina Lake. Ndipo basi, tukilipata Jina la Mungu na mahali alipoliweka, basi tumepata mahali pa kuabudia mara tu tukipaona hapo.

Mambo yote haya, bila shaka, yalikuwa ni kivuli cha mambo yajayo. Torati yote ilikuwa kivuli cha kuonyesha mambo yajayo.

³⁴ Kama tu ambavyo, mwezi ni kivuli cha jua. Hutumika jua likiwa halipo, kama vile Kanisa lipaswavyo kutumika M-w-a-n-a wa Mungu akiwa hayupo. Mwana akiwa hayupo, Nuru isiyo na nguvu sana, Kanisa, waaminio, humtumikia Mungu na kutoa Nuru Mwana akiwa hayupo. Lakini jua linapochomoza, huuoni mwezi tena, kwa sababu umeshuka. Hauhitaji nuru yake tena, kwa sababu hupata tu nuru yake baadaye, kutoka kwenye jua. Sasa, kama ilivyo kwa mume na mke, ndivyo ilivyo kwa jua na mwezi, Kanisa na Kristo.

³⁵ Sasa tunaona, kwamba, mambo haya yakiwa kivuli cha Kristo. Kila kafara, sikukuu, na kila kitu katika Agano la Kale, kilikuwa kivuli cha Kristo; kama tu vile kivuli kinavyotandaa sakafuni. Sasa hapa ndipo itatupasa kupata mahali sahihi pa

kuabudia, ni kurudi nyuma hapa katika Agano la Kale ambamo hapo palitolewa na kuona mambo haya yalikuwa ni nini.

³⁶ Sasa, kivuli kinapotandaa sakafuni, unaweza kujua kama ni mwanamume, mwanamke, au mnyama, au cho chote kile, kwa sababu hutupa kivuli sakafuni. Na kivuli hicho kinapozidi kuwa kifupi, kivuli kile kikiwa negativu; na haiwezekani kuwepo na negativu bila ya picha yenyewe. Kwa hiyo, picha yenyewe inapokaribia negativu, ile negativu humezwa na picha yenyewe. Kile kivuli na ile—na ile picha yenyewe zinaungana pamoja, na hicho ndicho kinachoifanya basi picha yenyewe.

Na iwapo “mambo yote ya kale,” Biblia ilisema, “katika Agano la Kale, yalikuwa vivuli vya mambo yajayo,” basi kwa hiyo Kristo alikuwa kivuli cha mambo yajayo.

³⁷ Kwa hiyo twaweza kuona, kwa mifano ya Agano la Kale, mahali Yeye alipopachagua kuweka Jina Lake, na ku...kwa sasa. Sasa, kama ilivyo kwa kivuli, kinapotandaa sakafuni, nilisema, ni negativu, kikiwa ni mfano. Kwa hiyo sisi, waabudu, pia twaweza kuona vivuli vya Agano la Kale vikififia kwenye picha yenyewe ya lile Jipyia.

³⁸ Sasa, sikukuu zote, zile sikukuu, yale maskani yote, mbao zote, kila kitu katika yale maskani, kila kitu kilikuwa mfano wa Kristo. Sadaka zote, sheria zote, kila kitu kilikuwa mfano wa Kristo. Tumeyapitia hayo, mara kadha wa kadha, hapa Maskanini.

Basi tunaona, kwa mambo haya, kwamba kila kanuni ya imani, kanisa, na madhehebu vimeachwa nyuma kabisa. Hata havimo katika mashindano ya mbio, kamwe. Kila kanuni ya imani, kila kanisa, kila madhehebu, yameachwa nje kabisa. Hakuna nafasi kwa ajili yao hata kidogo.

³⁹ Hakuna mfano katika Agano la Kale, au po pote katika Biblia, wa kanisa, isipokuwa umoja wa kulazimishwa wa mnara wa Babeli. Hicho ndicho kitu pekee kinachoonyesha mfano wa umoja. Kwa sababu, ulifanyizwa na Nimrodi, mtu mwovu aliyetoka kwenda kuzilazimisha nchi zote ndogo kukusanyika mahali pamoja na mnara huu mkubwa. Ilikuwa ni ibada ya kidini, bila shaka, lakini haikuhesabiwa katika Neno la Mungu. Kwa hiyo hapo ndipo unapoona dini ya kimadhehebu ikifananishwa, mnara wa Babeli, katika Agano la Kale. Ambapo, dini hii hakika ilikuwa dini, lakini si dini ya Neno la Mungu.

⁴⁰ Mungu hajachagua kuweka Jina Lake katika madhehebu yo yote. Nataka Andiko kwa ajili yake, kama ndivyo ilivyo. Najua wanadai Yeye ameliweka, lakini Yeye hakuliweka. Hawezi kuweka Jina Lake katika mahali pengi, kwa sababu Yeye alisema ameweka Jina Lake mahali pamoja. Na, mahali hapo pamoja, kila moja ya madhehebu yetu yanataka kusema wao ndio mahali pale, lakini ni kinyume.

Lakini Yeye aliweka Jina Lake wapi?

⁴¹ Sasa, na, Yeye, kwanza, Jina Lake ni nani? Itatubidi (Jina) kutafuta kujua Jina la Mungu kabla ya kuona ni nini Yeye anaweka mahali hapo.

Sasa, tunaona kwamba Yeye alikuwa na vyeo vingi. Yeye anaitwa... Yeye aliitwa "Baba," ambacho ni cheo. Pia aliitwa "Mwana," ambacho ni cheo. Aliitwa "Roho Mtakatifu," ambacho ni cheo. Yeye anaitwa "Ua la Uwandani," ambacho ni cheo. "Nyinyoro ya Bondeni," cheo, "Nyota ya Asubuhi." "Yehova-Yire, Yehova-rafa," majina saba mbalimbali ya ukombozi yenye maana zaidi ya moja, lakini yote yalikuwa vyeo. Hakuna hata kimoja cha hivyo kilikuwa jina.

Bali Yeye analo Jina.

⁴² Alipokutana na Musa, Yeye alikuwa bado hana Jina, Nayé alimwambia Musa, "MIMI NIKO AMBAYE NIKO." Na tunapomwona Yesu duniani, akizungumza katika Waebrania sura ya 6... samahani, Yohana Mt. sura ya 6. Yeye alisema, "MIMI NIKO AMBAYE NIKO."

Wakasema, "Mbona, wewe ni Mtu usiyepata bado miaka hamsini, nawe unasema ati umesha 'mwona Ibrahimu'?"

⁴³ Akasema, "Yeye Ibrahimu asijakuwako, MIMI NIKO." Na "MIMI NIKO" ndiye Yule, kile kijiti kilichowaka moto, ile Nguzo ya Moto ambayo ilikuwa katika kijiti kilichowaka moto kule nyuma katika siku za Musa, Yule "MIMI NIKO AMBAYE NIKO."

⁴⁴ Na sasa tunaona kwamba Yesu alisema, pia, "Mimi nilikuja katika Jina la Baba Yangu, nanyi hamkunipokea Mimi." Basi, Jina la Baba lazima liwe ni Yesu. Hiyo ni kweli. Jina la Baba ni Yesu, sababu Yesu alisema hivyo. "Ninachukua Jina la Baba Yangu. Nimekuja katika Jina la Baba Yangu, wala ninyi hamkunipokea Mimi." Basi Jina Lake lilikuwa ni Yesu.

Ndipo Gabrieli alimwita Yeye Yesu, manabii walimwita Yeye Yesu, na Yeye alikuwa Yesu hasa. Kabla ya kuzaliwa Kwake, hata nabii mtakatifu alimwita Jina Lake *Imanueli*, ambalo ni, "Mungu pamoja nasi." Basi, "Mungu alidhihirishwa katika mwili, apate kuondoa dhambi ya ulimwengu," na, katika kufanya hivyo, Yeye alipewa Jina la Yesu. Kwa hiyo, Jina hilo ni Yesu.

Na hilo Jina liliwekwa katika Mtu; si kanisa, si madhehebu, si kanuni ya imani, bali Mtu! Yeye alichagua kuweka Jina Lake katika Yesu Kristo. Sasa tunaona kwamba ndipo Yeye anakuwa mahali pa Mungu pa kuabudia, ambapo unamwabudu Yeye.

⁴⁵ Hata kabla ya Yeye kuzaliwa, aliitwa Jina Lake Yesu. Lilikuwa muhimu sana, hata lilipewa mama Yake na Malaika Gabrieli, kwamba Jina Lake ataitwa "Yesu, Mwana wa Mungu," alivyokuwa Yeye.

⁴⁶ Hapo tumelipata, basi. Hili ndilo, pekee. Ndilo, Kwake pekee, mahali alipopachagua Mungu pa kuabudia. Mahali pa Mungu, alipopachagua. Mungu alichagua kukutana na binadamu; siyo kanisani, siyo katika madhehebu, siyo katika kanuni ya imani, lakini katika Kristo. Hapo ndipo mahali pekee ambapo Mungu atakutana na mtu, na anapoweza kumwabudia Mungu, ni katika Kristo. Ni mahali hapo pekee. Haidhuru kama wewe ni Mmethodisti, Mbatisti, Mkatoliki, Mprotestanti, hata uwe nani, kuna mahali pamoja tu ambapo unaweza kwa usahihi kumwabudu Mungu, hapo ni katika Kristo.

Warumi 8:1, ilisema, “Sasa, basi, hakuna hukumu ya adhabu juu yao walio katika Kristo Yesu, wasioenenda kwa kufuata mambo ya mwili, bali kwa kufuata mambo ya Roho.” Hiyo ni Injili.

⁴⁷ Tunaweza kutofautiana juu ya kanuni za imani. Twaweza kutofautiana katika nadharia zilizobuniwa na mwanadamu. Waweza kwenda katika kanisa la Kimethodisti, yakubidi uwe Mmethodisti; Batisti, Mbatisti; Katoliki, Mkatoliki. Bali mara ubatizwapo katika Kristo, na kuwa kiungo cha Mwili Wake, hakuna kutofautiana. Viambaza vya katikati vimevnjiliwa mbali na uko huru, kwa sababu uko katika Kristo Yesu. Nawe unamwabudu Mungu katika Roho na katika Kweli unapokuwa ndani ya Kristo Yesu. Ni mpango wa Mungu kwako wewe kumwabudu Yeye katika Kristo Yesu.

⁴⁸ Sasa, hakuna madhehebu ya kanisa yanayoweza kudai jambo hili, hakuna mtu awezaye kudai hilo. Wawezaje kuthubutu kufanya madai kama hayo? Kutenda jambo kama hilo ingekuwa roho ya mpinga Kristo, utakuwa unaondoa kutoka kwa Kristo; kuondoa kutoka Kwake. Huwezi kufanya hivyo. Kristo ndiye mahali pa pekee ambapo Mungu hukutana na waabuduo.

⁴⁹ Wanasema, leo. Ninao watu wanaoniambia. Mtu fulani alinipigia simu si muda mrefu uliopita, huko Beaumont, Texas. Akasema, “Bw. Branham, kama jina lako halimo katika kitabu cha kanisa letu, huwezi kwenda Mbinguni.” Ungeliwazia hilo? Usiamini jambo kama hilo. Wanafikiria yakubidi uwe mshiriki wa kanisa hilo moja ama sivyo huwezi kwenda Mbinguni. Hilo ni kosa. Ukiamini hilo, ni upinga Kristo. Nitasema hivi. Kama unaamini roho kama hiyo, umepotea. Hiyo ni ishara nzuri kwamba umepotea, kwa sababu ni kuondoa kutoka kwa lile Mungu alitenda. Mungu hakuweka kamwe Jina Lake katika kanisa lo lote. Aliliweka katika Mwanawewe, Kristo Yesu, wakati Yeye na Mwanawewe walipofanyika Mmoja. Hapo ndipo mahali halisi pa kuabudia. Hakuna msingi mwingine uliwekwa, hakuna mwamba mwagine.

“Juu ya Kristo, Mwamba wenyе imara,
nasimama;
Ardhi nyininge yote ni mchanga unaodidimia.”

Madhehebu yatavurugika na kuanguka, mataifa yatapita, lakini Yeye atadumu milele. Hakuna mahali pengine ambapo mtu anaweza kupapata, pa kumwabudia Mungu, ambapo Mungu atamjibu, hakuna mahali isipokuwa katika Kristo Yesu. Hapo ndipo mahali pekee, mahali pekee ambapo Mungu alichagua kuweka Jina Lake, na mahali pekee ambapo Yeye anakutana na mwanadamu, kuabudu. Umepotea, kuamini kitu kingine cho chote.

⁵⁰ Angalia, sikukuu zote saba za Wayahudi ziliadhimishwa mahali pamoja. Hawakuadhimisha kamwe sikukuu moja *hapa* kwa Wamethodisti, na moja *hapa* kwa Wabatisti, moja *huko* kwa Mpresbiteri, moja nyuma *hapa* kwa Katoliki, na moja kwa M protestanti. Sikukuu zote saba ziliadhimishwa mahali pamoja.

⁵¹ Ni mfano mzuri sana hapa. Ndiyo kwanza tupitie Nyakati Saba za Kanisa, ikionyesha kwamba Mungu ameweka Nyakati zote Saba za Kanisa katika Neno, kwa kuwa kila wakati wa kanisa ulitoa sehemu ya Neno, na kila walipolitoa nao wakaona Nuru.

Kama tu wale watu ambao kwanza waligundua kubatiza katika Jina la Yesu. Walifanya nini? Waliunda madhehebu katika jambo hilo, nayo yakafa papo hapo. Ndipo Mungu akasongea kwa mtu mwengine. Yeye hatacaa katika moja ya hizo kanuni za imani na mafundisho ya sharti. Hayajali. Hakuna upotovu wo wote katika Mungu. Neno la Mungu ni takatifu, lisilohoshiwa. Kristo ndiye mahali pakuu kabisa pa Mungu pa kuabudia. Yeye ni Mungu.

⁵² Sikukuu zote saba lazima ziadhishwe mahali hapa pamoja. Usingeweza kuadhimisha sikukuu katika mahali pengine. Lakini hizo saba, sehemu... Sikukuu saba za mwaka lazima ziadhishwe mahali pamoja. Kwa hiyo, ilibidi zile Nyakati Saba za Kanisa zitoke mahali pamoja, huyo alikuwa ni Kristo akizungumza katika Nyakati zote Saba za Kanisa. Hilo ni sawa kabisa. Mfano, wa Nyakati Saba za Kanisa, bali waliunda madhehebu kutokana na jambo hilo.

⁵³ Sasa hebu tuangalie mfano mwengine tukiwa tupo hapa, huo ni, mfano wa pasaka, ultangulia kumwonyesha Yesu. Tunaona hapa kafara ya damu, kwa mauti. Kafara ya damu ilikuwa ndio mahali palipotangulia kumwonyesha Kristo. Je! madhehebu yangeweza kutoka damu; ungeweza kufikiria kanisa likitoka damu, kutoka damu kwa kimadhehebu? Hasha. Ilihitajika damu, itoke katika uhai. Na, uhai huo, hapa Yesu anatokeza kwa mwana-kondoo. Mwana-kondoo alikuwa mfano wa Kristo, na alitangulia kumwonyesha Kristo, kwa sababu Yeye alikuwa "Mwana-Kondoo wa Mungu," ambaye Yohana alimjulisha, "ambaye huichukua dhambi ya ulimwengu." Tunamwona Yesu akitokeza, hapa katika Kutoka sura ya 12.

⁵⁴ Angalia, palikuwa ndipo mahali pekee ambapo mauti hayangeweza kupiga. Mauti yalipokuwa tayari kuipiga nchi, ilibidi pawe na mahali fulani; wote wasiokuwa chini ya mahali hapa walikufa. Mahali pamoja pekee! Sasa, haikumaanisha ilikuwa nyumba moja; lakini kulikuwa na mahali pamoja, hapo ndipo alipouawa mwana-kondoo. Mahali palipokuwa na damu ya mwana-kondoo, malaika wa mauti asingeweza kupiga, kwa sababu ndipo mahali pamoja Mungu alipokuwa ameweka Jina Lake. Na mwana-kondoo huyo alitajwa nyuma kule mwanzoni, mwana-kondoo. Angalia, ndipo mahali pamoja asingeweza kupiga.

⁵⁵ Na sasa ndivyo ilivyo leo hii. Kuna mahali pamoja tu ambapo mauti ya kiroho hayawezi kupiga, mahali hapo ni Neno. Mauti hayawezi kulipiga Neno, kwa sababu ni Neno Hai la Mungu.

Lakini unapolichanganya Hilo na kanuni za imani, Neno linaondoka mle likawa peke Yake. Litajitenga kama maji na mafuta. Huwezi kulichanganyisha. Kwa hiyo, unaona, wakati kanuni ya imani inapoingia katika madhehebu, wote watakimbilia hiyo kanuni ya imani; nalo Neno linaondoka, na kuendelea na mtu mwagine na analizidisha Hilo. Linapata nguvu zaidi, linapokwenda kutoka kwenye kuhesabiwa haki, utakaso, ubatizo wa Roho Mtakatifu, na kuendelea hata likaingia kwenye Punje! Hivi unaona njia ambayo Mungu amepitia? Akileta Jina Lake, wakati wote, moja kwa moja namna ile ile, kwa sababu Yeye ni Neno.

Angalia, Hilo haliwezi kufa. Neno la Uzima haliwezi kufa.

⁵⁶ Angalia jinsi liliyvo kamilifu, sasa. Malaika wa mauti hakukatazwa kuwapiga hao watu maarufu na wenyе akili nyingi wa Misri. Hakukatazwa kuzipiga nchi zake takatifu, majengo yake makubwa, mafarao wake. Au, makuhani wa nchi, yule malaika hakukatazwa kuwapiga. Angepiga jengo lo lote, mahali po pote, mtu ye yote, bali hakuweza kupiga alipokuwepo mwana-kondoo.

Mauti hayawezi kupiga mahali hapa palipotolewa na Mungu, na hapo ni katika Mwana-Kondoo.

⁵⁷ Angalia, wala hata ile... hakukatazwa kuipiga Israeli au makuhani wake wa Kiebrania, na, au yo yote ya madhehebu yao. Wote lazima wawe katika mahali palipochaguliwa na kuandaliwa na Mungu, la sivyo mauti yatapiga.

⁵⁸ Ewe Kanisa, po pote ulipo, hata uwe unashiriki wapi, ni mamoja kwangu. Bali, lipo jambo moja linalokupasa kujua, yakubidi uwe katika Kristo au umekufa. Huwezi kuishi nje ya Yeye. Kanisa lako laweza liwe sawa, kama jengo; ushirika wako waweza kuwa sawa, kama mtu. Bali unapoukana ule Mwili, Damu, Neno la Yesu Kristo, umekufa dakika ile unapolitenda. Ndipo mahali alipopachagua Mungu pa kuabudia. Hapo ndipo

Jina Lake lilipo, hasa. Hapo ndipo alipochagua kuweka Jina Lake; siyo katika kanisa, lakini katika Mwana, Yesu Kristo.

⁵⁹ Angalia, usalama uko tu katika mahali Yeye alipochagua, katika mwana-kondoo Wake, na katika jina la mwana-kondoo.

⁶⁰ Angalia, ilikuwa mwana-kondoo “dume,” wa kiume, siyo wa kike. Siyo kanisa, jike; bali Jina la Kiume, sio jina la kike. Mahali ambapo angeenda kukutana na watu hapakuwa katika jina la kike, bali katika Jina la Kiume, Yeye, Mwana-Kondoo!

⁶¹ Sasa tunasema, “Kanisa, kanisa maarufu na lenye nguvu, lilitenda *hivi* na lilitenda *vile*. Limestahimili dhoruba. Tumepata ongezeko la watu. Tuko wengi sana. Tu kanisa lenye nguvu. Ni kitu kikuu.”

Lakini Mungu kamwe hakusema kitu cho chote kuhusu wa kike. Yeye alisema, “wa *Kiume*.” “Wa Kiume,” ndiye mahali pa kukutania, Mwana-Kondoo, siyo kanisa. Si jina la kike, bali Jina la Kiume! Yeye hakuweka jina la kike mahali po pote. Yeye aliweka Jina Lake katika “wa Kiume.”!

Hiyo ndiyo sababu, “Yote yatupasayo kutenda, aidha kwa neno au katika tendo, lazima tuyatende yote katika Jina la Yesu Kristo.” Kama tukiomba, yatupasa kuomba katika Jina la Yesu. Kama tukiomba dua, yatubidi kuomba katika Jina la Yesu. Kama tukitembea, tunatembea katika Jina la Yesu. Kama tukizungumza, tunazungumza katika Jina la Yesu. Kama tukibatiza, yatubidi kubatiza katika Jina la Yesu Kristo. Kwa kuwa, “Yote tutendayo katika neno au tendo, tuyatende katika Jina la Yesu Kristo.”

⁶² Jamaa fulani aliniambia wakati mmoja, tukijadili jambo hilo, alisema, “Ndugu Branham, mke wangu, mimi si...” Akasema “Yeye, jina lake ni *Fulani na fulani*.” Yeye ni mhudumu, huenda ikawa ameketi hapa sasa. Basi akasema, “Mke wangu,” kasema, “yeye anaitwa kwa jina langu.” Nitasema tu *Jones*, kwa sababu haikuwa Jones. Akasema, “Sasa, ye ye haimlazimu kuamka kila asubuhi, achukue fagio na kusema, ‘Sasa ninafagia nyumba katika jina la Jones, na ninaosha vyombo katika jina la Jones, na ninatia nguo viraka katika jina la Jones.’” Akasema, “Sidhani inakubidi kutaja jina lo lote hata kidogo.”

Nikasema, “Ninaamini yakubidi kutaja.” Hiyo ni kweli.

Naye akasema, “Naam, kwa nini? Haimlazimu kulitaja. Kwanza, kila kitu anachotenda ni katika jina la Jones.”

⁶³ Nikasema, “Lakini hukupita kamwe mitaani na kumchukua, na kusema, ‘Njoo, Jones.’ Ilimbidi, kwanza, apitie katika sherehe, sherehe ya arusi, ‘Jones.’ Kama hakuipitia, unaishi katika uzinzi. Na kama umebatizwa kwa njia nydingine yo yote isipokuwa katika Jina la Yesu Kristo, ni ubatizo wa kizinzi, ambaeo haumo katika Biblia.”

Basi, "Kila mlitendalo katika neno na kwa tendo, tendeni yote katika Jina la Yesu," baada ya jambo hilo, utendalo. Bali yakubidi kwanza uje katika Jina Lake.

⁶⁴ Kuna wanawake wengi wazuri katika jengo hili usiku wa leo, wazuri, wanawake waaminifu; bali kuna Bibi William Branham mmoja. Ndiye aendaye nami nyumbani. Ndiye aliye mke wangu.

⁶⁵ Wapo watu wazuri ulimwenguni, makanisa mazuri; lakini kuna Bi Yesu Kristo mmoja, na huyo ndiye ambaye Yeye anakuja kumchukua. Hapo ndipo panapokaa Jina Lake. Hapo ndipo Yeye anapoabudiwa, katika Yeye na Yeye peke yake. Hilo ni kweli. Loo, ndiyo, bwana. Tunaona hilo kuwa kweli.

⁶⁶ Sasa, hiyo ndiyo sababu, sisi, "Yote tutendayo katika neno au katika tendo, tunayatenda katika Jina la Yesu Kristo."

"Hapana Jina jingine lililotolewa chini ya Mbingu kwa ajili ya wokovu, isipokuwa Jina la Yesu Kristo." Matendo, sura ya 2, inasema kwamba, "Kwa maana na ijulikane kwenu . . ." "Hapana Jina jingine lilotolewa chini ya Mbingu ambalo mtu anapaswa kuokolewa kwalo, ila ni katika Jina la Yesu Kristo tu." Amina. Natumaini mnalipata. Jina la Yesu Kristo, kila . . .

Mbingu ya juu sana huitwa Yeye, "Jamaa yote Mbinguni huitwa Yesu," Biblia ilisema, "na jamaa yote ya duniani huitwa Yesu." Kwa hiyo hilo ni Jina lililochaguliwa na Mungu na mahali alipoliweka Hilo. Hapo ndipo mahali Pake pa kuabudiwa, ni katika Yesu Kriso. Sasa, tunajua ndivyo ilivyo, hapana mahali pengine pa kuabudia isipokuwa katika Yeye.

⁶⁷ "Hapana jina jingine chini ya Mbingu walilopewa wanadamu, liwapasalo kuokolewa kwalo." Lake ni Jina la Mungu la ukombozi. Mungu ana jina liitwalo Yehova—yire, Yehova-rafa, Yehova-yire. "Bwana hukusamehe dhambi zako zote." *Yehova-rafa*, "Bwana hukuponya magonjwa yako yote." Alikuwa na vyeo vingi. Bali Yeye analo Jina moja tu la Ukombozi, ambalo ni la kibinadamu, na hilo ni Jina la "Yesu." Hilo ndilo Jina Lake, alilochagua kuliweka. Yeye aliliweka wapi? Yeye aliliweka katika Kristo.

⁶⁸ Majina yote mengine ya makanisa, kanuni za imani, vyeo, ni mauti kuyatumainia. Ukitumainia kanisa la Kimethodisti kukupeleka Mbinguni, umepotea. Kama unatumainia Wapentekoste, kanisa la Kipentekoste kukupeleka Mbinguni, umepotea. Na la Kibatisti, la Kiluteri, la Kipresbiteri, la Kikatoliki, kanisa jingine lo lote; wewe unayetumainia majina yao, au vyeo vyao, au kanuni zao za imani, umepotea.

Kwa sababu, hata huwezi kuabudu mpaka kwanza uje katika mahali pa kuabudia. Amina. Hapo ndipo mahali pekee Mungu hukutana na mwabudu, ndipo mahali Yeye alipachagua kuweka Jina Lake. Mengine yote, ukiyatumania, utakufa. Yeye pia . . .

⁶⁹ Kivuli kingine cha Yesu hapa, nimetia alama, Maandiko. Pia, Yeye—Yeye alionyeshwa hapa hapo kabla, “Yeye lazima asiwe na ila.” Mahali Yeye awekapo Jina Lake, mwana-kondoo huyu lazima asiwe na ila.

Sasa, ni madhehebu gani au itikadi gani unaweza kuonyesha kwamba wanayo hii; kanisa gani, Katoliki, Protestanti, la Kiyahudi, lo lote lile? Itikadi gani, madhehebu gani, unaweza kuonyesha kwamba wanayo hiyo, “bila ila juu yake”? Yote yametupiliwa mbali na kukataliwa!

Bali kuna mahali! Haleluya! Mahali hapo ni katika Yesu Kristo. Hakuna ila juu Yake. Hakuna kosa ndani Yake.

Huwezi ukatoa makosa hili. Watu wote hawa ambaو wanajaribu kutenda hivyo, kusema kanisa lao halina makosa na yote *haya*. Ni watu wachafu, wavunja Neno, wanaopenda, wafu nusu, watu wa Laodikia, kanuni za imani, lakini siyo Ukweli. Lakini hata Pilato mwenyewe, adui Wake, alisema, “Sioni neno lililo ovu juu Yake.” Adui Wake mwenyewe alishuhudia hakuna kosa ndani Yake. Huwezi kumpata na dhambi yo yote.

⁷⁰ Yeye aliwaambia makuhani wa zamani Zake, “Ni nani mionganoni mwenu awezaye kunishuhudia ya kuwa nina dhambi? Ni nani awezaye kunionyesha Mimi kwamba ni mwenye dhambi?”

Niambie kanisa moja ambalo linaweza kusema hawajafanya kosa lo lote kamwe. Kwa kweli, hakuna hata moja, ni vigumu kulipata, isipokuwa lililoua na kutenda kila jambo lililopo kwenye kalenda, ni vigumu kulipata. Halafu bado wajii^e wenyewe... La, si mahali pa Mungu pa kukusanyikia kwa ajili ya kuabudu, katika kanuni yo yote ya imani au madhehebu.

⁷¹ Marafiki wangu, sitaki kuumiza mioyo, bali ninawajibika kwa Ujumbe, na, Ujumbe huo ni, “Tokeni kwenye uchafu huu!” Na kama nikiwaombeni kutoka, nitawapeleka wapi? Hivi ningewachukua hadi Maskani ya Branham? Lina makosa mengi kama mengine yote.

Bali kuna mahali pamoja ninapoweza kukupelekeni, ambapo mu salama na mmelindwa na mauti, hapo ni katika Yesu Kristo. Ndipo mahali pa Mungu pa kuabudia. Hapo ndipo mahali ninapowajulisha, usiku wa leo, ambapo Mungu amewe^kka Jina Lake. Ambapo Yeye aliahidi atakutana na kila mtu ambaye ataingia mle ndani, Yeye angeabudu pamoja naye na kufanya karamu naye, hapo ni katika Kristo; siyo katika kanisa lo lote, siyo maskani.

Bali, katika Kristo, Yeye ndiye Maskani ya Mungu. Yeye ndiye mahali ambapo Mungu aliiingia, Yeye Mwenyewe, akakaa ndani Yake. “Huyu ni Mwanangu mpendwa, ninayependezewa kukaa ndani Yake.” Hapo ndipo Mungu alipofanya maskani Yake, akaleta Jina Lake na akaliweka juu Yake, Yesu Kristo. Kwa

hiyo, Jina Lake liliwekwa katika Mtu, Mwanawe, Yesu Kristo, ambamo Yeye alijifanyia maskani Yake, na katika Maskani ile.

Ambamo, katika mfano, ile Yerusalemu ya kale, zile sikukuu za kale, lile hekalu la kale, vilikuwa mfano; moshi ulipoingia, siku ile lile sanduku lilipoingia, la agano, na kutulia, na Sauti ya Mungu ilisikika kutoka kwake.

Vivyo hivyo Sauti ya Mungu ilisikika, ikiingia katika yale Maskani, Yesu Kristo; ambapo, lile la Zamani (la asili) vilikuwa mfano na kivuli cha lile Jipy. Na wakati Yeye alipoingia katika Kristo, Yeye alisema, “Huyu ni Mwanangu, mpendwa Wangu, ninayependezwa kukaa ndani Yake. Nami nitachagua mahali ambapo nitaweka Jina Langu, na ambapo nitakutana na watu, na ambapo nitaabudiwa.” Mungu alichagua mahali hapo; sio katika madhehebu yo yote ya kanisa, lakini katika Yesu Kristo. Ndiyo, bwana.

⁷² Yeye lazima awe “hana ila,” kama nilivyosema. Hakuna madhehebu yanayoweza kudai jambo hilo. Kama wakidai; wao ni wapinga Kristo.

⁷³ Sasa tunaona hapa, angalia kivuli Chake tena. Yule—yule mwana-kondoo anapaswa awekwe. Sasa, hili linapatikana katika Kutoka 12, kama mnayaandika, Kutoka 12:3 hadi 6. Mwana-kondoo lazima awekwe siku nne, apate kujaribiwa, kuona kama anastahili kutolewa sadaka. Lazima achukuliwe, achunguzwe tena na tena, kwa siku nne, kuona kama kuna ila juu yake, kuona kama kuna ugonjwa wo wote ndani yake, kuona kama huyo mwana-kondoo ana kasoro yo yote. Lazima awekwe siku nne.

⁷⁴ Sasa angalia. Huenda baadhi yenu wakafikiri hiyo ilikuwa mbele kidogo, aliuwawa siku ya kumi na nne. Lakini, mnakumbuka, wao walimchukua yule mwana-kondoo siku ya kumi ya mwezi, na kumuua kwenye siku ya 14 ya mwezi, unaona, ambaye aliwekwa kwa siku nne.

⁷⁵ Sasa, Yesu, Jina la Mungu, Mwana-Kondoo, aliingia Yerusalemu na hakutoka tena kamwe mpaka baada ya kifo Chake, kuzikwa, na kufufuka. Yeye aliwekwa chini ya wapinzani kwa siku nne usiku na mchana. Jinsi Mwana-Kondoo yule alivyoonyeshwa kwa mfano mkamilifu, aliwekwa kwa siku nne. Hapo ndipo Pilato aliposema, “Sioni hatia yo yote Kwake.”

⁷⁶ Kivuli kingine Chake, hakuna mfupa Wake ungeweza kuvunjwa, jambo ambalo lilitimia kikamilifu, ambapo hawangeweza. Katika kuua ile sadaka, hawangeuvunja mfupa wo wote. Kama mfupa ungalivunjwa, ilikataliwa. Nao tayari walikuwa wameinua nyundo kuivunja mifupa katika miguu ya Kristo, waliposema, “Yeye amekwisha kufa tayari.” Walimchoma ubavuni Mwake wakapata Damu na maji.

⁷⁷ Angalia tena kitu kingine kikuu hapa. Nisingekiruka, kwa sababu Yeye aliwakilishwa katika ile sadaka, sadaka ya unga.

Ninakumbuka wakati mmoja walikuwa na shule, katika Biblia, iliyoitwa shule ya manabii, nayo ilikuwa ni shule kwelikweli. Nasi tunaona kwamba Eliya alikwenda kwenye shule hiyo siku moja, nao wakasema, "Sisi..." Walimsihi aondoke, kasema, "Unapokuwepo hapa, mambo ni makali mno." Kwa hiyo walitaka yeche aondoke.

Nao wakatoka wakaenda kumletea chakula. Na kundi la makuhani likatoka, au manabii, kuchuma mbaazi, kumtengenezea chakula. Nao walipofanya hivyo, wakachuma wakajaza aproni nzima; basi waliporudi, kumbe ni matango-mwitu, ambayo yalikuwa sumu, nao wakayatupa kwenye chungu. Na vile vyungu vikaanza kuchemka, nao, mtu fulani, akasema, "Ole wangu, mauti imo chunguni! Sasa hata hatuwezi kula."

Basi Eliya akasema, "Nileteeni konzi moja ya unga." Naye akauchukua ule unga akautupa katika kile chungu, akasema, "Kulen, chungu kimeponywa."

⁷⁸ Ile sadaka ya unga ilikuwa ni Kristo. Kila mbegu yenye miiba-miiba ilipaswa iwekwe namna ile ile, na kila kiasi kidogo cha unga ilibidi kisagwe namna ile ile, kwa ajili ya sadaka ya unga. Ikionyesha, kwamba, Yeye ni mponya. Yeye hubadilisha, na kuondoa mauti, na kuweka Uzima; kwa zile sheria mbili. Haleluya! Yalipo mauti, mahali pamoja; Kristo aingiapo, Uzima unaingia. Ni yeche yule jana, leo, na hata milele. Na palipokuwa na mauti, pakawa na Uzima, kwa sababu Kristo aliingizwa, sadaka ya unga.

⁷⁹ Jinsi mambo haya yangekuwa somo kubwa kama tukichukua muda kuyafafanua! Sasa tazama, hakuna hata neno moja la vivuli hushindwa. Hata neno moja halijawahi kushindwa, la vivuli. Kila kitu kimefananishwa kikamilifu.

Yeye ni mahali palipochaguliwa na Mungu pa kuabudia, Naye amepewa Jina la Mungu. Yeye ni mahali pa kumwabudia Mungu, na amepewa Jina la Mungu. Yeye ni Neno la Mungu, na Yeye ni Jina la Mungu. Yeye ni yote mawili Neno la Mungu na Jina la Mungu. "Yeye alikuwa Neno lililofanyika mwili." Alikuwa Neno la Mungu, Mwana-Kondoo wa Mungu, Jina la Mungu, naye alikuwa Mungu. Hivyo ndivyo alivyokuwa Yeye, mahali pekee palipochaguliwa kumwabudia Mungu.

⁸⁰ Basi Mungu hukataa mahali pengine po pote kando ya Yesu Kristo; huwezi kumwabudia Yeye mahali po pote. Yeye alisema, "Nao waniabudu bure, wakifundisha mafundisho yaliyo maagizo ya wanadamu." Leo tuna kanuni za imani, mafundisho ya sharti, na kila kitu, ambacho hufundisha *hii* ndiyo njia na *ile* ndiyo njia.

Naye Yesu alisema, "Mimi Ndiye Njia, Kweli, na Uzima, na hakuna mtu awezaye kuja kwa Mungu isipokuwa kwa Mimi." Kwa maneno mengine, "Mimi ndimi mlango wa zizi la kondoo.

Wote walioko nje ni wezi.” Yeye ndiye pekee wa kuendea. Yeye ndiye Mlango. Yeye ndiye Njia, Kweli, Uzima, yote yaliyopo; kiingilio pekee, mahali pekee, ibada pekee, Jina pekee.

Kila kitu kimefungiliwa kwenye Yesu Kristo. Agano la Kale lote limefungiliwa Kwake. Agano Jipyä limefungiliwa Kwake. Na Kanisa leo limefungiliwa Kwake, kwa Neno la amri Yake. Hakuna mahali pengine, au Jina jingine, au mahali po pote, ambapo Mungu aliwahi kuahidi kukutana na binadamu; ni katika Yesu Kristo tu, mahali Pake alipopachagua pa kuabudia.

⁸¹ Angalia, Mungu ameahidi kukutana na waabudu Wake katika mahali hapa pamoja tu, na hilo ni chaguo Lake Mwenyewe; si chaguo letu, si kufikiria kwetu; bali kwa mawazo Yake, chaguo Lake. Na pangekuwa mahali ambapo Yeye aliweka Jina Lake, ambapo Yeye alichagua. Kwa hiyo tunaona kwamba tunapata ambapo Jina Lake lilikuwa, mahali alipochagua, kwa uchaguzi Wake Mwenyewe.

⁸² Sasa kwa kuwa tumeona mahali Yeye aliweka Jina Lake, yaani, katika Kristo Yesu, na hakuna mahali pengine, au hakuna jina jingine. Mmeridhika na hilo? Semeni, “Amina!” [Kusanyiko linaitikia, “Amina.”—Mh.] Sasa, jambo lenyewe ni kwamba, kama tukiona mahali hapo ni wapi... Mahali pa kuabudia hapakubaliwi po pote, ila tu katika Kristo.

Unaweza kutubu, unaweza kufanya hivyo, lakini bado huabudu. Unaomba msamaha. Petro alisema . . .

Kwenye Siku ya Pentekoste, walipowaona hao wote wakinena kwa lugha, na ishara kubwa na maajabu yakitendeka, walianza kucheka, kanisa lilicheka, na kusema, “Watu hawa wamejaa mvinyo mpya. Wanatenda kama watu waliolewa. Yule...” Bikira Mariamu, hao wote, walikuwa pamoja, wakiwa mia moja na ishirini. Nao walikuwa wakipepesuka kama watu waliolewa, na kunena kwa lugha, na kufanya makelele. Nao wakasema, “Watu hawa wamelewa kwa mvinyo mpya.”

⁸³ Lakini Petro, akisimama, alisema, “Wanaume na ndugu, watu hawa hawakujawa na mvinyo mpya, kwani sasa ni saa tatu mchana. Lakini hili ni lile lililonenwa kwa kinywa cha nabii Yoeli, ‘Itakuwa siku za mwisho, asema Mungu, nitawamwagia watu wote Roho Yangu; wana wenu na binti zenu watatabiri; nitawamwagia watumishi Wangu wanaume na wanawake Roho Yangu. Nitatoa ajabu katika mbingu juu, na katika nchi; moto, nguzo za moto, mvuke wa moshi. Itakuwa, kabla hajaja ile Siku ya Bwana iliyo kuu na ya kuogofya, kwamba kila atakayeliit Jina la Bwana ataokoka.’”

⁸⁴ Waliposikia haya, walichomwa miyoni mwao, wakawaambia, “Waume na ndugu zangu, tufanye nini?”

⁸⁵ Petro akasema, “Tubuni, kila mmoja wenu, mkabatizwe katika Jina Lake Yesu Kristo mpate ondoleo la dhambi zenu,

nanyi mtapokea kipawa cha Roho Mtakatifu. Kwa kuwa ahadi hii ni kwa vizazi vyote vijavyo.” Sasa, tunaona jambo hilo.

⁸⁶ Sasa tunataka kuona jinsi tunavyoingia *katika* Yeye. Tunaingaje mahali hapa pa kuabudia? I Wakorintho 12 yatosha, kwani, “Kwa Roho mmoja!” Siyo kwa kanisa moja, siyo kwa kanuni moja ya imani, siyo kwa mchungaji mmoja, siyo kwa askofu mmoja, siyo kwa kasisi mmoja. Lakini, “Kwa Roho Mtakatifu mmoja sote tumebatizwa kuwa Mwili mmoja,” ambao ni Mwili wa Yesu Kristo, na kuwa na haki ya kila kipawa kilicho ndani ya Mwili ule. Ndiyo, bwana! Hakuna kujunga, hakuna kukariri kanuni za imani, hakuna kusukumizwa, kuachilia, kupeana mikono, au cho chote kile. Lakini, kwa Kuzaliwa tunabatizwa katika Mwili wa Yesu Kristo! Amina. “Kwa Roho Mtakatifu mmoja sote tumebatizwa katika Mwili mmoja.”

⁸⁷ Na Mwili huo ni nini? Hapo mwanzo alikuwako Neno, Nayé Neno alikuwa pamoja na Mungu, Nayé Neno alikuwa Mungu. Nayé Neno alifanyika mwili akakaa kwetu.” Twawezaje kuwa ndani ya Mwili ule na kukana Neno moja Lake, au kuliweka Hilo mahali pengine ambapo hata siyo katika ule Mwili? Twawezaje basi kulitenda? Mahali alipopachagua Mungu!

⁸⁸ Angalia, na unapobatizwa kweli katika Yeye, uthibitisho wa kweli ni kwamba unamwamini Yeye, Neno.

Unawezaje kuwa sehemu Yake halafu umkane Yeye? Nawezaje kuukana mkono wangu kuwa ni mkono wangu? Kama kuna... Kama nikiukana, kuna kasoro bongoni mwangu. Nami nawezaje? Kama kuna kasoro bongoni mwangu, kukana kwamba huo ni mkono wangu, kukana huo ni mguu wangu, kuna kasoro kiroho kwa mwamini anayekana Neno lo lote ambalo Mungu amewahi kusema na kuahidi. Kuna kasoro rohoni kwake huyo anayejiita mwamini.

⁸⁹ Huwezi kukana herufi moja Yake, kwa sababu umekuwa sehemu kitu kile kile. Wewe u sehemu Yake, kwa sababu umebatizwa katika Yeye; kwa, Roho Mtakatifu amekuleta akakuingiza katika Mwili wa Yesu Kristo. Ni jambo linalopendeza jinsi gani!

⁹⁰ Mungu alikuwa na mahali fulani ambapo alikutana—alikutana na Ibrahimu, na hapo Ibrahimu akaabudia. Kote katika Agano!

Na Neno Lake lililoahidiwa litafasiriwa ndani yako, na Yeye. Umesikia hilo? Neno ambalo Yeye aliahidi kutimiza katika siku ambayo unaishi, utakuwa barua ya Mungu iliyoandikwa, inayosomwa na watu wote. Si kile unachodai, bali kile ambacho Mungu anatenda kupitia kwako, kitapaza sauti zaidi ya kitu cho chote ungeweza kudai. Mungu alisema, “Ishara hizi zitafuatana na hao waaminio.” Hilo huzungumza kupitia kwako.

⁹¹ Alinena kuhusu wakati huu, yale yatakayotukia sasa. Waamini wa wakati huu yawabidi kuamini Hili, lile Yeye aliahidi

kwa siku ya leo. Vile vile tu kama ilivyowapasa kuja kuingia safinani, wapate kuokolewa; watoke Misri wapate kuokolewa; yawabidi waje kwake Kristo, wapate kuokolewa sasa, katika Ujumbe wa Neno, kwamba ni yeye yule jana, leo, na hata milele.

⁹² Unaingiaje katika Huo? Kwa Ubatizo! Ubatizo wa nini, maji? Kwa Roho Mtakatifu! “Roho mmoja, sote tumebatizwa katika Mwili huu mmoja.”

⁹³ Na Neno Lake lililoahidiwa, Yeye hata...Haitakulazimu kulifasiri Hilo. Yeye atalifasiri Hilo kupitia kwakwo; kile ambacho unatenda, kile Yeye aliahidi kutenda. Kanisa linalomfuata Yeye litafanana sana na Yeye mpaka watu watajua.

Mtazame Petro na Yohana walipoulizwa kuhusu kumponya mtu fulani kwenye mlango uitwao Mzuri. Walisema, “Walitambua,” hao makuhani walitambua, “kwamba walikuwa vyote viwili watu wasio na elimu na wasio na maarifa,” lakini walitambua kwamba walikuwa pamoja na Yesu. Kwa sababu, (nini?) walikuwa wakifanya mambo yale ambayo Yeye alitenda.

⁹⁴ Yeye yampasa kuwemo katika shughuli za Baba Yake. Na leo lazima iwe vile vile.

⁹⁵ Sasa, kumbuka, ni Yeye yule jana, leo, na hata milele; kwa maana Mungu hukutana nawe katika Yeye, mahali pekee paliopo; kwani hapo ndipo Yeye alipopachagua kuweka Jina Lake, katika Yesu. Yesu ndilo Jina la Mungu. Kumbuka, Baba, Mwana, Roho Mtakatifu ni vyeo vya Jina “Yesu Kristo.”

⁹⁶ Wakati Mathayo aliposema, “Basi enendeni, mkawafanye mataifa yote kuwa wanafunzi, mkiwabatiza kwa Jina la Baba, la Mwana, na la Roho Mtakatifu.”

Jinsi hilo liliyofasiriwa vibaya leo, na kusema, “Katika jina la Baba, jina la Mwana, jina la Roho Mtakatifu.” Hata haikuandikwa. Ni, “Katika Jina,” umoja, “la Baba, Mwana, Roho Mtakatifu.” *Baba si jina, Mwana si jina, Roho Mtakatifu si jina; ni cheo.*

Siku kumi baadaye, Petro alisimama akasema, “Tubuni, kila mmoja wenu, mkabatizwe katika Jina Lake Yesu Kristo.” Basi alitenda ambalo Yeye alimwambia asitende? Alitenda ambalo Yeye alimwambia atende. Jina la Baba, Mwana, na Roho Mtakatifu ni “Bwana Yesu Kristo.” Kila mtu katika Agano Jipyä alibatizwa katika Jina la Bwana Yesu Kristo.

⁹⁷ Hakuna hata mtu mmoja katika Biblia aliywahi kubatizwa kwa vyeo vya Baba, Mwana, Roho Mtakatifu. Hilo kamwe halikuwepo hadi kanuni ya imani ya Nikea ilipoidhinishwa huko Nikea, Rumi. Ilikuwa ni utaratibu wa kanisa Katoliki, lilipata, lilithibitisha jambo lile lile, katika katekisimo. Ninacho, hiyo ni kweli, *Kweli za Imani Yetu*, na kadhalika, kwamba ni imani ya Katoliki ya Kirumi kabisa. Watakuambia haumo

katika Biblia; lakini wanasema wanayo mamlaka kubadili hayo Maneno, wakitaka, kwa sababu ya papa. Sikubali.

Yesu Kristo ni yeye yule jana, leo, na hata milele. “Na mtu ye yote atakayeondoa Neno moja katika Biblia hii,” alisema Yesu, “au kuweka neno moja ndani Yake, sehemu yake itaondolewa katika kile Kitabu cha Uzima.” Neno moja; si sentensi, au aya, bali Neno moja! “Ye yote atakayeondoa Neno moja . . .”

⁹⁸ Hapo mwanzo, Mungu aliwakinga watu Wake kwa Neno Lake. Neno moja, lililoeleweka vibaya, lilsababisha kila mauti, kila kuumwa na moyo, kila huzuni. Hawa, hakuvunja sentensi; alivunja Neno moja. Yesu alipokuja katikati ya Kitabu . . . Hiyo ilikuwa mwanzo wa Kitabu.

Wakati Yesu alikuja katikati ya Kitabu, Yeye alisema nini? “Imeandikwa kwamba mtu hataishi kwa mkate tu, bali kwa kila Neno litokalo kinywani mwa Mungu.”

Katika mwisho wa hiki Kitabu, Ufunuo sura ya 22, aya ya 18, sehemu ya mwisho kabisa ya Biblia, Yesu Mwenyewe anazungumza, kasema, “Nashuhudia kwamba kama mtu ataondoa Neno moja katika Kitabu hiki, au kuongeza neno moja Kwake, sehemu yake itaondolewa kutoka katika Kitabu cha Uzima,” kwa sababu yeye ni nabii wa uongo na amewakosesha watu, na damu yao itahesabiwa mikononi mwake, kwa kutenda hivyo.”

⁹⁹ Yatubidi tushikilie mahali hapo pamoja pa kuabudia, yaani, Yesu Kristo aliye Neno, yeye yule jana, leo, na hata milele. Amina. Sawa. Kumbuka, hakuna mahali pengine pa kukutania kuabudu, hakuna mahali. Mungu alipachagua.

¹⁰⁰ Yohana, nyuma huko katika kiungo baina ya Jipyä na Agano la Kale. Sikilizeni kwa makini sasa. Angalieni kwa makini. Yohana, yule tai mkuu, aliruka akaja kutoka jangwani siku moja, mbawa zake kuu zimetandazwa. Akashuka katika ukingo wa Yordani, tai mkuu nabii aliyeunganisha la Kale na Agano Jipyä, naye aliwaita toka kulia na kushoto. Alikuwa akitangaza siku ya toba.

Basi wakatokea Mafarisayo na Masadukayo; akasema, “Msianze kusema ndani yenu, ‘Tunaye Ibrahimu baba yetu, sababu nawaambia Mungu anaweza toka kwenye mawe haya kumwinulia watoto Ibrahimu.’ Loo, jamani!

Alipoanza kutangaza Injili kule nje, na kusema, “Hapa anasimama Mtu mionganini mwenu, msiyemjua. Bado sijamtambua Yeye, bali nitamjua Yeye ajapo. Sistahili kufungua kiatu Chake. Bali Yeye atawabatiza ninyi kwa Roho Mtakatifu na kwa Moto. Na pepeto Lake liko mkononi Mwake; Yeye atausafisha sana uwanda Wake, kisha atayateketeza makapi kwa Moto usiozimika.”

¹⁰¹ Yule tai mkuu wa Injili akiketi pale, huku anawika maonyo yake makuu. Na uchafu ukatokea, au Herode, mtawala wa dola wakati ule, mpiga mbiu, akamwoa mke wa ndugu yake. Basi mngeweza kuwazia yule tai mkuu wa Injili akiketi pale na kukaa kimya kwa jambo lile.

Baadhi yao walisema, “Usihubiri juu ya ndoa na talaka sasa, Yohana, sababu Herode ameketi pale.”

¹⁰² Akaenda moja kwa moja mbele yake akasema, “Si halali kwako wewe kumchukua yeye.” Hiyo ni kweli!

Ati, yeye, ilikuwa nini? Alikuwa yule tai kutoka nyikani. Hakufundishwa chini ya fadhaa na vitisho vya binadamu, vya madhehebu fulani. Lakini alikuwa amefundishwa chini ya nguvu za Mwenyezi Mungu, kujua yatakayotukia. Alijua kutambulishwa kwa Masihi.

Haleluya! Neno hilo humaanisha, “Mungu wetu asifiwe!” Usiogope. Sijamuumiza mtu bado. Sijasisimka. Najua niliko hasa.

Loo, ninapomfikiria yeye, huyo tai mkubwa akiruka huko na kutua! Alisema, “Nitamjua Yeye atakapokuja.” Siku moja yeye alikuwa amesimama pale, akihubiri.

¹⁰³ Makuhani walikuwa upande wa pili, kasema, “Unamaanisha utafika wakati sadaka ya kila siku itaondolewa; hekalu hili maarufu ambalo tumejenga, na kazi yote tuliyofanya juu yake, sisi madhehebu makubwa?”

Akasema, “Utafika wakati ambapo hayo yote yataondoshwa.”

“Haiwezekani. Wewe ni nabii wa uongo!”

¹⁰⁴ Naye akatazama pande zote. Akasema, “Angalieni, Huyo hapo! Hapo ndipo mahali alipochagua Mungu pa kuabudia. Huyo hapo Mwana-Kondoo, Mwana-Kondoo halisi aichukuaye dhambi ya ulimwengu.” Hakusema, “Huyu hapa Mmethodisti anakuja, huyu hapa Mbatisti anakuja, au Mkatoliki.” Alisema, “Huyo hapo anakuja Mwana-Kondoo wa Mungu aichukuaye dhambi ya ulimwengu.”

Kata pekee ya usalama iliyopo ni ndani ya yule Mwana-Kondoo wa Mungu. Katika Yeye pekee mna wokovu; siyo katika kanisa lo lote, kanuni yo yote ya imani, watu wo wote, baba ye yote, mama ye yote, mtu mtakatifu ye yote, au cho chote, mahali patakatifu. Ni katika Mungu Mtakatifu, Bwana Yesu Kristo, ambapo Mungu aliweka Jina Lake katika Mwanadamu, kwa ajili ya ukombozi, Ambaye alilipa gharama kwa ajili yetu wenye dhambi. Hapo ndipo mahali pekee ambapo pana wokovu. Huo ndio Mwamba nisimamapo.

¹⁰⁵ Yohana alimtambua Yeye. Alisema, “Mimi sikumjua Yeye wakati nilipomwona akija, lakini nje huko ambako nilipata mafunzo yangu...” Si katika seminar kama alivyofanya baba

yake; si kama kuhani, aliyefundishwa. Lakini nyikani, ambako alikuwa katika seminari ya Theolojia ya Mwenyezi Mungu, akingojea Neno la Mungu; si yale kundi fulani la watu lilitunga, bali ambalo Mungu alisema kuhusu jambo Hilo. Naye Yohana alipoinua macho yake na kumwona Roho akija, alisema, “Nashuhudia, huyu Ndiye.” Loo, jamani!

Hapo ndipo mahali pako pa kuabudia. Hapo ndipo mahali pako pa kujificha. Huyo hapo Mwana-kondoo wa Mungu aichukuaye dhambi ya ulimwengu. Siyo kanisa lo lote, siyo kanuni ya imani, au cho chote kile, bali Mwana-Kondoo wa Mungu aichukuaye dhambi ya ulimwengu.

¹⁰⁶ Unaona jinsi Yohana alivyoliweka? Hakusema, “Ninyi Mafarisayo mko sahihi, ninyi Masadukayo, Maherodi.” Alisema, “Yule pale Mwana-Kondoo.” Hapo ndipo mahali penyewe. Ana lile Jina. Yeye Ndiye. Hapana Jina jingine chini ya Mbingsu.”

¹⁰⁷ Angalia alilosema Yesu kumhusu Yohana sasa. Siku moja Yohana alituma Kwake, kuona anafanya nini. Yesu alisema kumhusu yeye, “Yeye alikuwa ile nuru kuu ing’ayao,” kuwaonyesha njia sahihi ambayo wanapaswa kufuata kabla ya kuja Kwake, kuja Kwake mara ya kwanza. Sikilizeni kwa makini. Msilikose. Yesu alisema, “Yohana alikuwa nuru ile.” Malaki 3, hakuna kosa! Nabii aliye na nuru kuu ing’ayao, alimtambua Yesu kuwa Mtu wa pekee, “Mwana-Kondoo.” Wana-kondoo wengine wote ambaao hao makuhani walikuwa wakinena habari zao, na mambo hayo mengine yote, yalikuwa upumbavu. Hapa alikuwepo “Mwana-Kondoo.” Mtu mwenye nuru kuu ing’ayao ambayo... Yesu alisema yeye alikuwa hivyo.

Malaki 3 ilisema, “Namtuma mjumbe Wangu mbele ya uso Wangu kuitengeneza njia.” Na yule ambaye alipelekwa kuitengeneza ile njia, alimtambua Yeye pale. “Huyo Ndiye! Hakuna kosa. Huyo Ndiye! Ninaona ishara ikimfuata Yeye. Najua kwamba huyo Ndiye; Nuru ikishuka kutoka Mbingsuni na kukaa juu Yake.” Ilikuwa dhahiri, huyo alikuwa Ndiye.

¹⁰⁸ Basi, ndugu yangu, nataka kukuuliza wewe jambo fulani, katika kufunga. Tungeweza kusema hivi. Hivi katika Malaki 4, hatukuahidiwa tai mwингine, Nguzo ya Nuru itafuata, kuonyesha kanisa lililokosea siku hii kwamba Yeye ni Waebrania 13:8, “yeye yule jana, leo, na hata milele”? Hivi hatukuahidiwa mwингine atakayeruka aje kutoka nyikani? Amina! Hiyo ni Kweli kabisa. Jinsi ambavyo inapatana na kuchukuana na Luka 17:30, ambapo Mwana wa Adamu (Tai) atakuwa akijifunua Mwenyeewe kukomesha mahali pote pengine pa kuabudia, kama vile madhehebu na kadhalika!

Mungu alichagua mahali Pake. Yohana alisema, “Ndipo pale.”

¹⁰⁹ Na halafu tumeahidiwa jambo lile lile siku hii, Malaki 4, “Kuigeuza miyo ya watoto,” kusema kwamba Yeye hajakufa,

mambo haya si kwa ajili ya wakati mwengine; ubatizo katika Jina la Yesu haukuwa wa kule nyuma, bali Yeye sasa ni yeye yule. Amina. Kukomesha mahali pengine pote pa kuabudia, hilo ndilo ambalo yule tai wa siku za mwisho anapaswa kutenda, kuonyesha kwamba mengine yote ni upuzi, madhehebu ni upumbavu, bali kuwaonyesha wao tena kwa ishara ile ile ambayo aliienda, kwamba ni yeye yule jana, leo, na hata milele. Haleluya!

¹¹⁰ Pia, katika Ufunuo 4:7, tulikuwa na Wenye Uhai wanne ambao ndio kwanza tumalize nao.

Wa kwanza alikuwa, tumeona, alikuwa simba. Huyo ndiye Mwenye Uhai wa kwanza aliyetoka kwenda kukabiliana na pambano la siku ile, Simba wa Kabilia la Yuda.

Baada Yake akaja *Mwenye Uhai* wa pili. Nasi twaona, *Mwenye Uhai* wa pili alikuwa ndama, ambaye ni mnyama wa kuchukua mizigo, kafara. Na siku za kanisa kuu la Kirumi, Kanisa lilikufa; kafara.

Aliyefuata, alikuwa mwanadamu, alikuwa Mwenye Uhai mwenye uso wa mwanadamu. Na mwanadamu huyo alikuwa wale watengenezaji, elimu ya mwanadamu, theolojia, na kadhalika.

Lakini Mwenye Uhai wa mwisho ambaye alipaswa aruke, Mwenye Uhai wa mwisho ambaye alikuwa aje, Biblia ilisema alikuwa tai arukaye. Haleluya! Na nabii alisema, katika siku hii, "Kutakuweko Nuru." Loo, jamani! "Katika siku ile kutakuweko Nuru."

¹¹¹ Kumekuwa na siku za watengenezaji. Kumekuwa na siku ambayo imekuwa ni kivuli tu, huwezi kuiita mchana au usiku. Bali wakati wa jioni, wakati wa Tai . . .

Itakuwa Nuru yapata wakati wa Tai,
Njia iendayo Utukufuni mtaiona hakika;
Katika njia ya maji ndiko kwenye Nuru leo,
Kuzikwa katika Jina la thamani la Yesu.
Vijana kwa wazee, tubuni dhambi zenu zote,
Roho Mtakatifu hakika atawabatiza humo
ndani;
Kwa kuwa Nuru za jioni zimekuja,
Ni kweli kwamba Mungu na Kristo ni Mmoja.

¹¹² Amina! Kutakuweko Nuru mnamo wakati wa jioni, mahali pekee alipopachagua Mungu pa kuabudia. Loo, Ujumbe huu umefika wapi, Yeye atafanya nini? Na katika siku yake itakuweko Nuru wakati wa jioni, na (nini?) kuwakaribisha watoto Wake wanaporudi nyumbani kwenye Nchi ya kweli ya ahadi, kwa ishara ile ile ya Nguzo ya Moto ambayo iliwaongoza wana wa Israeli kuititia nyikani.

Mahali alipopachagua Mungu pa kuabudia, Yesu Kristo. Hapo ndipo Mahali pekee paliopo. Hilo ndilo Jina pekee alilo nalo Mungu kwa ajili ya wokovu. Hivyo ndivyo Yeye alivyoita jamaa iliyo Mbinguni, wakati ikali duniani, ni Yesu Kristo.

¹¹³ Enyi kanisa, Enyi watu, rafiki mwenye dhambi, usitumainie kitu kingine cho chote ila Yesu Kristo. Usitumainie mhubiri ye yote. Usitumainie mtu ye yote mwininge kukuokoa. Usitumainie kanisa lo lote, kanuni ya imani yo yote, madhehebu yo yote. Mtumaini Yesu Kristo tu, kwa maana Yeye ndiye Nuru ya saa hii.

Hebuni tuinamishe vichwa vyetu.

Itakuwa Nuru yapata wakati wa jioni,
Njia iendayo Utukufuni mtaiona hakika;
Katika njia ya maji ndiko kwenye Nuru leo,
Kuzikwa katika Jina la thamani la Yesu.
Vijana kwa wazee, tubuni dhambi zenu zote,
Roho Mtakatifu hakika ataingia humo ndani;
Nuru za jioni zimekuja,
Ni kweli kwamba Mungu katika Kristo ni
Mmoja.

¹¹⁴ Ee, ndugu, dada, iwapo bado hujatubu, kama hujabatizwa katika Jina la Yesu Kristo, tafadhali anza na usiku wa leo. Waweza kumpa Mungu nafasi ya kukukaribisha kwenye mahali ambapo unawenza kumwabudu Yeye? Kumbuka, nje ya hapo, hakuna mahali ambapo Mungu aliahidi kukutana nawe na kuikaribisha ibada yako.

¹¹⁵ Unasema, “Ndugu Branham, ninaabudu kwa uaminifu sana!” Hata Kaini pia. Alitoa kila aina ya sadaka ambayo Habili alitoa, bali ilikuwa sadaka isiyostahili. Unawenza uende kanisani, na kutoa fungu lako la kumi, na kutenda wajibu wako kama Mkristo anavyopaswa kufanya, ukiwa mwaminifu tu kama mwanamume au mwanamke ye yote.

Nimesimama hapa sasa kwa yapata miaka thelathini, kila mahali mjini hapa, na kuutangaza Ujumbe huu kwa sauti kubwa. Ninazeeka. Siwezi kuwa nanyi muda mrefu zaidi. Lakini kumbukeni, kwenye Siku ya Hukumu, sauti yangu imerekodiwa, nayo itazungumza dhidi yenu.

¹¹⁶ Kuna Mahali pamoja tu ambapo Mungu huweka Jina Lake, na hapo si katika kanisa, ila ni katika Yesu. Kuna Mahali pamoja tu pa kuabudia, mahali pamoja tu unapopokelewa, na hapo ni ndani ya Mpewda, Yesu Kristo. “Hapana Jina jingine chini ya Mbingu, walilopewa wanadamu, litupasalo kuokolewa,” si kanisa, si kanuni ya imani, wala cho chote. Yesu Kristo!

Na huo ndio unaopaswa kuwa Ujumbe wa wakati huu, “Kuirudisha mioyo ya watoto, iirudie imani waliyokabidhiwa watakatifu mara moja tu.” Je, utaukubali usiku wa leo?

Na wakati tumeinamisha vichwa vyetu.

¹¹⁷ Na wale ambao wangetaka kukumbukwa katika maombi, hebu tu inueni mikono yenu. Hatuwezi kufanya mwito wa madhabahuni, kwa sababu ni wengi mno. Mungu awabariki. Loo! Upande wa kushoto, nadhani wapo mia tatu.

¹¹⁸ Sasa kwa upande wangu wa kulia, tafadhalii inueni mikono yenu, mseme, “Nataka kukumbukwa.” Nadhani wapo mia moja na hamsini, au zaidi, kwa upande wangu wa kulia.

Tuna maskani chini hapa yenyeye kidimbwi kikubwa cha maji; mchungaji, mchungaji mzuri, Ndugu Orman Neville, wahudumu washiriki, watu hawa hapa ambao mnaowaona na kukutana nao. Kila siku, kila usiku, kila saa, watu ambao wanataka kubatizwa, ambao wametubu, kinangojea sikuzote. Na kama ukitii amri hiyo, unayo hakika, kwa ahadi ya Mungu, kama u mwaminifu moyoni mwako, kupokea ubatizo wa Roho Mtakatifu.

¹¹⁹ Kuna mahali pamoja tu pa kuabudia. Sasa, hapo si katika Maskani. Hapo ni katika Kristo. Tunaingiaje Kwake? “Kwa Roho mmoja sote tumebatizwa katika huu Mwili mmoja.”

Hebuni tuombe.

¹²⁰ Mungu Mpenzi, wakati mikono hii ilopoinuliwa juu, ilionyesha kilichokuwa chini ya mkono ule moyoni, thibitisho kwamba wana hakika wanahitaji msaada kutoka Kwako. Namwombea kila mmoja wao, Baba. Nami nitanukuu Neno Lako. Wewe ulisema, “Yeye asikiaye Neno Langu, na kumwamini Yeye aliyenipeleka Mimi, yuna Uzima wa milele, na hataingia Hukumuni; bali amepita toka mautini kuingia Uzimani.”

Baba, kila ninapoondoka mjini majuma machache, nikirudi, nauliza, “Habari za mtu *huyu*?”

“Mbona, ameaga dunia.”

“Vema, na *huyu* . . . ?”

“Wameaga dunia.”

¹²¹ Mungu Mpenzi, tunaitwa mmoja mmoja, mmoja mmoja yatubidi kukabili himizo la kutembea kupitia katika bonde la uvuli wa mauti. Nalo ni fungu la kila mmoja wetu, kama watu wanaopatikana na mauti. Lakini, usiku wa leo, Wewe umetukabilisha ombi Lako, kwamba kama tungemwamini Yeye na kubatizwa katika Jina Lake, kwamba Wewe ungetuingiza ndani. Na tena katika Mwili huu, Mwili wa Kristo, siyo katika kanisa; bali katika Mwili wa Kristo, Mwili huo tayari umehukumiwa. Hautalazimika kuingia Hukumuni. Mungu alimwaga ghadhabu Yake juu ya mwili ule, na mwili huo ni huru na dhambi; na, tukiwa ndani Yake, hutuweka huru na dhambi, kwa Upatanisho Wake ambaye alikuwa kwa ajili yetu. Na mle ndani tuna ushirika sisi kwa sisi, huku Damu ya Yesu Kristo, Mwana wa Mungu, inatusafisha dhambi zote na uchafu.

¹²² Baba, Mungu, naomba kwamba Wewe utamchukua kila mmoja wao katika Ufalme Wako. Lijalie, Mungu. Jalia pasiwepo hata mmoja wao atakayepotea; jalia kusiwe na mvulana au msichana, mwanamume au mwanamke. Bwana, baadhi ya watu wangu wameketi hapa, usiku wa leo, ambao wako nje ya Damu hiyo. Jinsi ninavyoweza kukumbuka maneno ya baba yangu vizuri! Pia naomba, Mungu Mpenzi, kwamba hakuna mmoja wao atakayepotea. Lijalie, Bwana. Ninakuamini Wewe sasa, kwa yote ambayo ninayo ya kuamini nayo.

¹²³ Njoo juu ya ndugu zangu, dada, rafiki zangu, hapa katika sehemu hii usiku wa leo na huko nje kwenye simu. Majimbo mengi mbalimbali yanasiliza, mahali pote tokea Pwani ya Mashariki hadi ya Magharibi. Naomba, Mungu Mpenzi, huko chini kuvuka majangwa kule Tucson, huko mbali California, juu huko Nevada na Idaho, kwenda hadi Mashariki na kila mahali, chini huko Texas; wakati mwaliko huu unatolewa, watu wamekiketi katika-katika makanisa madogo, vituo vya mafuta, majumbani, wakisilikiza. Ee Mungu, jalia mwanamume yule aliyepotea au mwanamke, mvulana au msichana, saa hii, aje Kwako. Lijalie hilo sasa hivi. Tunaomba katika Jina la Yesu, kwamba wataona mahali hapa pa usalama wakati muda ungalipo.

Kwani, tunaona maandiko ukutani, dunia ikipatwa na wasiwasi, wakati wa ukombozi umekaribia. Sehemu ya nchi yetu inazama, sehemu ile nyiningine inafingirika na kupasuka kwa matetemeko ya ardhi, kama Yesu alivyoahidi ingekuwa. Jalia isiwe muda mrefu sana kwao, Bwana. Jalia walikubali hilo hivi sasa, kwa maana tunawaleta Kwako kama tuzo la ushindi wa mkutano huu, wa Injili, katika Jina la Yesu. Amina.

¹²⁴ Mnamwamini Yeye? Mungu awabariki. Wangapi wanaamini hiyo ni Kweli, upande wangu wa kushoto, inueni mikono yenu. Wangapi upande wa kulia, inueni mikono yenu. Mungu awabariki. Kadiri ninavyoona, kila mmoja. Hiyo ni Kweli, marafiki. Mungu anajua hiyo ni kweli.

¹²⁵ Sasa wakati wewe u ndani Yake, na unapokuwa ndani Yake, una ruhusa ya kupata kila kitu Yeye alichofia. Naye alifia nini? “Alijeruhiwa kwa makosa yetu, alichubuliwa kwa maovu yetu; adhabu ya amani yetu ilikuwa juu Yake, na kwa kupigwa Kwake tuliponywa.” Unaamini hivyo? Unaamini upatanisho Wake kwa ajili ya uponyaji sasa?

¹²⁶ Kuna mgonjwa ye yote mionganji mwetu? Hebu wainyoshe mikono yao, upande wa kulia au wa kushoto. Umati mkubwa wa wagonjwa. Siwezi kufanyiza msitari. Mnaona, sina . . . hamuwezi kuja jukwaani. Haiwezekani.

Wana mikutano ya maombi huko sehemu zingine, kwa ajili ya wagonjwa, katika makanisa na kadhalika, huko chini Maskanini.

Nataka kuwaulizeni jambo fulani. Kuna waamini wangapi? Nyosheni mikono yenu. Sawa. Nitawanukuulieni Neno, ambalo ni Kristo. Agizo la mwisho la Yesu kwa ulimwengu, na kwa Kanisa, hasa, Yeye alisema hivi, "Ishara hizi zitafuatana na hao waaminio; wakiweka mikono yao juu ya wagonjwa, watapata afya." Wangapi wanajua hilo ni kweli, Marko 16, semeni, "Amina!" [Kusanyiko linajibu, "Amina"—Mh.] Sawa. Ninakuomba wewe kama mwamini kuweka mikono yako juu ya mtu aliye mbele yako. Hebu tu weka mikono yako juu ya mtu fulani aliye mbele yako, na hebu kila mmoja amwombee mwenzake sasa. Weka mikono yako juu ya mtu fulani aliye karibu nawe.

¹²⁷ Bwana, hapa mbele yangu pana sanduku la leso, vitambaa vidogovidogo; mama fulani mzee aliylala mahali fulani, anakufa, mtoto mchanga anayekaribia kufa, watu wagonjwa kila mahali. Tunasoma katika Biblia kwamba walichukua kutoka kwenye mwili wa Paulo leso na aproni, navyo viliwekwa juu ya wagonjwa; na pepo wachafu, na pepo wabaya, na maradhi, na magonjwa, yakawaacha watu. Sasa, Bwana, tunajua sisi si Mtakatifu Paulo, lakini tunajua kwamba Wewe bado ungali Yesu, mahali pekee palipoandaliwa na Mungu pa kuabudia. Na sasa, leo, watu hawa wameungama imani yao ile ile, kwamba wanaamini kama watu wale walivyoamini. Hakika Wewe umewatengenezea njia! nami naweka mikono yangu juu ya leso hizi na kuomba kwamba magonjwa na mateso yaondoke miilini mwa watu watakaowekelewa hizi katika Jina la Yesu Kristo.

¹²⁸ Sasa, tunafundishwa, kwamba wakati Israeli walipokuwa wakitoka Misri, wakiwa katika wajibu wao, walikuwa wanakwenda zao kwenye nchi ya ahadi. Bahari ya Shamu ikawazuia. Ndipo Mungu akatazama chini kupitia ile Nguzo ya Moto, nayo bahari ikaogopa, ikarudi nyuma, na kuwapisha Israeli wapite wakielekea nchi ya ahadi. Ee Mungu, angalia kupitia Damu ya Yesu, usiku wa leo, na jalia maradhi yarudi nyuma, na Shetani atupwe nje. Jalia watu wapite waingie kwenye ile ahadi ya afya njema na nguvu, ambayo Mungu alisema, "Juu ya mambo yote, nataka mpate afya."

¹²⁹ Sasa kama unavyoona kule, Bwana Yesu, mikono ya watu hawa imewekwa mmoja juu ya mwagine, wanaonyesha ishara ya imani yao, kwamba Wewe ulisema, "Ishara hizi zitafuatana na hao waaminio." Wanaombeana kwa namna yao, wao kwa wao. Mtu aliye karibu yao anaomba kwa ajili yao.

¹³⁰ Sasa, Bwana, pambano hili limekwisha kabilwa, kwamba Shetani, yule laghai mkuu, ye ye hana haki ya kumshikilia mtoto wa Mungu. Yeye ni kiumbe kilichoshindwa. Yesu Kristo, mahali pekee pa kuabudia, Jina pekee la kweli, alilomshindia hapo Kalvari. Nasi tunadai Damu Yake sasa hivi, kwamba Yeye alishinda kila maradhi, kila ugonjwa.

Nami namwagiza Shetani kuwaacha wasikizi hawa. Katika Jina la Yesu Kristo, toka katika watu hawa, na wafanywe huru

¹³¹ Kila mtu ambaye anakubali kuponywa kwake juu ya msingi wa Neno lililoandikwa, toa ushuhuda wako kwa kusimama kwa miguu yako na kusema, “Ninakubali sasa kuponywa kwangu katika Jina la Yesu Kristo.” Simama kwa miguu yako.

Mungu asifiwe! Basi. Angalia huku, viwete na kadhalika wakiinuka. Mungu asifiwe. Naam. Aminini tu. Yeye yupo hapa. Ni ajabu jinsi gani!

¹³² Nje kwenye wanaosikiza, huko nje, kwa simu, laiti mngeliwaona! Nafikiri kila mtu ndani hapa, kadiri ninavyojuu mimi, au wengi wao, wanasmama wakati huu. Loo, ni wakati mzuri jinsi gani! Uwepo wa Bwana, ndio huo! “Palipo na Uwepo wa Bwana, pana uhuru, pana kufunguliwa.” Roho wa Mungu hutufanya huru.

¹³³ Sasa kwa kuwa Yeye ametuponya, tunaamini hivyo. Yeye alituokoa; tunaamini hivyo. Wale wanaotaka kubatizwa, kidimbwi kiko yatari. Wakati wo wote, saa yo yote ambayo wewe unataka kuja, patakuwa na mtu fulani pale kuushughulikia.

Na sasa nafikiri, kabla ya kufunga, yatubidi kuimba wimbo wa zama ni wa kanisa. “Nampenda, nampenda kwani alinipenda kwanza..”. Mwinulieni Mungu mikono yenu na tuuimbe kwa mioyo yetu yote!

Tunataka kukutana nanyi hapa asubuhi, kwenye saa tatu u nusu, jengo lili hili, kwa somo la *Ndoa na Talaka*. Sawa.

Hebu tuuimbe sasa pamoja.

Nampenda,

Hebu mkutano huu mkuu uuimbe huo sasa! Nje huko kwenye simu, imbeni, pia.

Kwani alinipenda kwanza
Na kanunua wokovu wangu
Mtini Kalvari.

¹³⁴ Ilitendeka wapi? Mtini Kalvari. Wakati tunauimba tena, nataka upeane mikono na mtu fulani karibu nawe, useme, “Mungu akubariki, msafiri.”

Nam...

[Ndugu Branham anapeana mikono na wandugu—Mh.]

Kwani alinipenda kwa...
Na kanunua wokovu wangu
Mtini...

¹³⁵ Loo, hivi hamumpendi Yeye? [Kusanyiko linasema, “Amina.”—Mh.] Je! Yeye si ni wa ajabu? [“Amina.”] Je! Yeye ni Mahali pako pa Kujificha? [“Amina.”] Yeye ni Mwamba katika nchi ya uchovu, Mahali pa Kujificha wakati wa tufani, Kimbilio pekee nilijualo. Kwa hiyo:

Yesu kwa imani,
 Nakutumaini,
 Peke Yako;
 Nisikie sasa,
 Na kunitakasa,
 Ni Wako kabisa
 Tangu leo.

Hebu tuinue mikono yetu tunapouimba.

Yesu kwa imani,
 Nakutumaini,
 Peke Yako;
 Nisikie sasa,
 Na kunitakasa,
 Ni Wako kabisa
 Tangu leo.

Hebu tuinamishe vichwa vyetu sasa huku tukiugugumiza.

Hapa nazunguka
 Katika mashaka,
 Na matata;
 Palipo na giza
 Utaniongoza,
 Hivi nitaweza
 Kufuata.

Wakati mmeinamisha vichwa vyenu, mchungaji wetu
 mpendwa, Ndugu Orman Neville, atawaruhusu wasikizi
 wafumukane.



MAHALI ALIPOPACHAGUA MUNGU PA KUABUDIA SWA65-0220
(God's Chosen Place Of Worship)

Ujumbe huu uliohubiriwa na Ndugu William Marrion Branham, uliotolewa hapo awali katika Kiingereza mnamo Jumamosi jioni Februari 20, 1965, katika Ukumbi wa Shule ya Sekondari ya Parkview Junior kule Jeffersonville, Indiana, Marekani, umetolewa kwenye kanda ya sumaku iliyorekodiwa na kuchapishwa bila kufupishwa katika Kiingereza. Tafsiri hii ya Kiswahili ilichapishwa na kusambazwa na Voice Of God Recordings.

SWAHILI

©1991 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ilani ya haki ya kunakili

Haki zote zimehifadhiwa. Kitabu hiki kinaweza kuchapishwa kwa matbaa ya nyumbani kwa matumizi ya kibinafsi ama kusambaza, bila malipo, kama chombo cha kuitangazia Injili ya Yesu Kristo. Kitabu hiki hakiwezi kikauzwa, kunakiliwa kwa wingi, kuwekwa kwenye mtandao, kuhifadhiwa kikatolewe tena, kufasiriwa katika lugha zingine ama kutumiwa kuomba fedha bila idhini halisi iliyoandikwa moja kwa moja kutoka Voice Of God Recordings®.

Kwa habari zaidi ama kwa vifaa zaidi, tafadhali wasiliana na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org